


文献通考

二百九十八之三




物異

百三

| | | | |
|------|---|---|---|
| 庫文閣内 | | | |
| 五 | 二 | | 漢 |
| 九 | 四 | | 書 |
| 函 | | | |
| 九 | 三 | | |
| 架 | 冊 | 號 | 類 |

| | | | |
|------|---|---|---|
| 庫文閣内 | | | |
| 二 | 二 | | 漢 |
| 九 | 四 | | 書 |
| 函 | | | |
| 四 | 三 | | |
| 架 | 冊 | 號 | 類 |

| | |
|------|-----------|
| 内閣文庫 | |
| 番號 | 漢 2430 |
| 冊數 | 120 (104) |
| 函號 | 294 3 |



通考卷之二百九十八

鄱陽馬端臨貴與著

事物異考

火災

漢章文庫

春秋桓公十四年八月壬申御廩災董仲舒以為先是四國共伐魯魯君臣內怠政事外侮四鄰非能保守宗廟終其天年者也劉向以為御廩夫人八妾所春米之藏以奉宗廟時夫人有淫行通於齊侯挾逆心桓天戒若曰夫人不可以奉宗廟莊公二十年齊火災劉向以為齊桓好色以妾為妻適庶屢更故致

文獻通考

卷之三百九十八

火災。僖公二十年五月乙巳西宮災董仲舒以為
僖娶于楚而齊勝之脅公立為夫人西京小寢夫人
所居也若曰妾何為居此宮誅去之意也。宣公十
六年成周宣榭火榭所以藏樂器宣其名也董仲舒
劉向以為十五年王札子殺召伯毛伯天子不能誅
天戒若曰不能行政令何以禮樂為而滅之。成公
三年二月甲子新宮災穀梁以為宣宮。一曰宣公弑
于赤而立不當列于羣祖故天災其廟。襄公九年
春宋災晉侯聞之問士弱曰宋災于是乎知有天道
何故對曰古之火正或食于心或食于味以出入火

師古曰味音竹救反

是故味為鶉火心為大火陶唐氏之火正

闕伯居商丘祀大火而火紀時焉相土因之故商土
大火商人閱其禍敗之釁必始于火是以知有天道
公曰可必乎對曰在道國亂亡象不可知也。韋昭曰大亂之

君天不復告故無象

說曰古之火正謂火官也掌祭火星行火

政季春昏心星出東方而味七星鳥首正在南方則
用火季秋星入則止火以順天時救民疾帝嚳則有
祝融堯時有闕伯民賴其德死則以為火祖配祭火
星故曰或食于心或食于味也相土商祖契之曾孫

師古曰契讀曰契音先列反字或作尙其用同耳據諸典籍相土即尙之孫今云曾孫未詳其意代

文獻通考

卷之三十九

七

闕伯後主火星。宋其後也。世司其占。故先知火。賢君見變。能修道以除凶亂。君亡象。天不譴告。故不可必也。三十年五月甲午。宋災。劉向以為先是宋公聽讒而殺太子痤。應火不炎上之罰也。昭公六年六月丙戌。鄭災。是春三月。鄭人鑄刑書。士文伯曰。火見鄭其火乎。火未出而作火以鑄刑器。臧爭辟焉。著刑于鼎。故稱刑器法。設不爭故云爭辟。火而象之不火。何為說曰。火星出於周五月。而鄭以三月作火鑄鼎刻刑辟書。以為民約。是為刑器爭辟。故火星出與五行之火爭明為災。其象然也。又棄法律津之占也。九年夏四月。陳火。時楚

靈王滅陳。鄭裨竈曰。五年陳將復封。封五十二年而遂亡。子產問其故。對曰。陳水屬也。火水妃也。而楚所相也。今火出而火陳逐楚而建陳也。妃以五成。故曰五年。歲五及鶉火而後陳卒亡。楚克有之。天之道也。說曰。顓頊以水王。陳其族也。師古曰。陳舜後也。舜本出顓頊。今茲歲在星紀。後五年在大梁。大梁。昴也。金為水宗。得其宗而昌。故曰五年。陳將復封。楚之先為火正。故曰楚所相也。天以一生水。地以二生火。天以三生木。地以四生金。天以五生土。五位皆以五而合。而陰陽易位。故曰妃以五成。然則水火之大數六。火七。木八。金九。

土十。故水以天一為火二牡。木以天三為土十牡。土以天五為水六牡。火以天七為金四牡。金以天九為木八牡。陽奇為牡。陰耦為妃。師古曰奇音居宜反故曰水火之牡也。火水妃也。于易坎為水為中男。離為火為中女。蓋取諸此也。自大梁四歲而及鶉火。四周四十八歲。凡五及鶉火。五十二年。而陳卒亡。火盛水衰。故曰天之道也。哀公十七年。七月己卯。楚滅陳。昭公十八年。五月壬午。宋衛陳鄭災。董仲舒以為象王室將亂天下。莫救故災四國。言亡四方也。定公二年。五月。雉門及兩觀災。師古曰雉門公宮南門也兩觀謂闕董仲舒劉向以為

此皆奢僭過度者也。先是季氏逐昭公。公死死于外。

師古曰謂定公即位。不能誅季氏。又用其邪說。淫于

女樂而退孔子。師古曰齊人歸女樂季桓子勸定公受之君臣相與觀之廢朝禮三日孔子

行乃天戒若曰。去高顯而奢僭者。一曰。門闕號今所

由出也。今舍大聖而縱有罪。亡以出號令矣。哀房易

傳曰。君不思道。厥妖火燒宮。哀公三年。五月辛卯。

桓釐宮災。董仲舒劉向以為此二宮不當立。違禮者

也。哀公又以季氏之故不用孔子。孔子在陳聞魯災。

曰。其桓釐之宮乎。以為桓季氏之所出。釐使季氏世

卿者也。四年。六月辛丑。亳社火。師古曰亳社殷社也董仲舒

劉向以為亡國之社。所以為戒也。

師古曰存其社者欲使君常思敬慎

懼危亡者也

天戒若曰。國將危亡。不用戒矣。春秋火災屢

于定哀之間。不用聖人而縱驕臣。將以亡國。不明甚也。一曰。天生孔子。非為定哀也。蓋失禮不明。火災應之。自然象也。

漢高后元年。五月丙申。趙崇臺災。劉向以為時呂氏

女為趙王后嫉妬。將為讒口以害趙王。王不悟。卒見

憂死。惠帝四年。十月乙亥。未央宮凌室災。藏水丙

子。織室災。織作劉向以為太后立魯元公主女為皇

后。凌室所以供養飲食織室所以奉宗廟衣服。與春

秋御廩同。又天戒若曰。皇后亡奉宗廟之德。將絕祭

祀。其後帝崩。后亡子取后宮美人子立之。呂后崩。諸

呂為亂。大臣誅之而立文帝。惠后幽廢。文帝七年。

六月癸酉。未央宮東闕罌恩災。師古曰罌謂連闕

墉之處其形罌恩然一曰罌也劉向以為東闕所以

朝諸侯之門也。罌恩在其外諸侯之象也。漢封諸侯

王。連城數十。賈誼等以為違古制度。必將叛逆。先是

淮南濟北皆謀反。其後七國舉兵而誅。景帝中五

年。八月巳酉。未央宮東闕災。時栗太子以罪廢自殺。

丞相周亞夫下獄死。武帝建元六年。六月丁酉。遼

東高廟災。四月壬子。高園便殿火。董仲舒對以春秋時亳社兩觀桓釐廟災。四者皆不當立。天皆燔其不當立者。以示魯。今高廟不當居遼東高園殿。不當居陵旁于禮亦不當立。與魯所災同。

按古者。諸侯不敢祖天子。則高廟不當立于遼東也。古者墓以藏體魄。廟以宅神靈。故祭于廟。不祭于墓。則高園殿不當居陵旁也。二者皆失禮之事。謂天燔其不當立者。以示警。猶之可也。而仲舒所對累數百言。至謂天災若語。陛下視親戚貴屬。在諸侯遠正最甚者。

恐而誅之。如吾燔遼東高廟。視近臣在國中處旁反及貴而不正者。恐而誅之。如吾燔高園殿。大槩勸帝以多行殺戮。而于郡國陵墓不當立廟之說。畧無所發明。帝采其說。而使仲舒弟子呂步舒治淮南獄。深竟黨與坐死者甚衆。蓋此對徒足以啟帝之恐心。而畧不能革漢之失禮矣。故祇取其兩言。而餘語則盡削之云。

太初元年十一月乙酉。未央宮栢梁臺災。先是大風發其屋。夏侯始昌先言其災曰。後有江克巫蠱衛太

子事。昭帝元鳳元年。燕城南門災。劉向以為時燕王使邪臣通于漢。為讒賊謀逆亂南門者。通漢道也。元鳳四年。五月丁丑。孝文廟正殿災。劉向以為是歲正月上加元服。有明哲之性。而大將軍光久秉政不歸。亡周公之德。將有國害。故正月加元服。五月而災見古之廟皆在城中。孝文廟始出居外。天戒若曰。去貴而不正者。宣帝既立。光猶秉政。驕溢過制。妻顯弑后。隨以誅滅。宣帝甘露元年。四月丙申。中山大上皇廟災。甲辰。孝文廟災。元帝初元三年。四月乙未。孝武園白鶴館災。劉向以為先是前將軍蕭望之。光

祿大夫周堪。輔政為佞臣石顯。許章等所譖。望之自殺。堪廢黜。明年。白鶴館災。園中五里馳逐走馬之館。五里者言其周回五里不當在山陵昭穆之地。天戒若曰。去貴近逸遊不正之臣。將害忠良。後章坐走馬上林。下烽馳逐免官。夜於上林苑下舉火馳射也永光四年。六月甲戌。孝宣杜陵園東闕南方災。時上復用周堪。張猛等。石顯終欲害之。園陵小于朝廷闕在司馬門中。內臣顯之象也。孝宣親而貴。門闕法令所從出也。天戒若曰。去法令。內臣親而貴者必為國害。後顯卒害猛。

按魯哀公三年。桓僖官災。左傳載孔子在陳

聞火曰。其桓僖乎。杜征南注。以爲桓僖親盡
而廟不毀。故天示以災。公羊傳之說亦然。蓋
踰禮制而以諂瀆事神。則神亦不享其祭。故
天降之災。非曰桓僖有以獲罪于天。而火焚
其廟也。至仲舒劉向。則謂以季氏之故。桓則
季氏所出。而僖則使季氏世卿者。于是以爲
其咎不在當時之君。而歸過于祖宗。其說鑿
矣。至其論漢世以來之災異。如高廟之火。以
爲諸侯王大臣文廟之火。以爲爲霍光宣廟
之火。以爲爲石顯。夫諸侯王之過制。霍光之

專擅。石顯之姦欺。所以致之者。時君之過也。
于先代何預。且曰。貴而不正者。天燔之。是天
欲示警于子孫。而焚其祖宗之廟。蓋亦迂遠
而不切矣。況宗廟。人主所嚴事者也。災延宗
廟。變異不小。不思側身修行。以謝天地祖宗。
而方且以驕恣專擅之臣擬之。以爲天惡而
欲燔之。以示戒。其說不亦謬乎。

成帝建始元年。正月乙丑。皇考廟災。初宣帝爲昭帝
後而立父廟。于禮不正。又時大將軍王鳳擅朝。將害
國家。故天見象。鴻嘉三年。八月乙卯。孝景廟北闕

災十一月甲寅許皇后廢。永始元年正月癸丑大
官凌室災。戊午。戾后園南闕災。時趙飛燕大幸。許后
既廢。上將立之。故天見象于凌室與惠帝四年。同應
又戾后起于微賤。與趙氏同應。天戒若曰。微賤亡德
之人。不可以奉宗廟。將絕祭祀。永始四年四月癸
未。長樂宮臨華殿。及未央宮東司馬門災。六月甲午。
孝文霸陵園東闕南方災。長樂宮成。帝母王太后所
居也。未央帝所居也。霸陵。太宗盛德園也。時太后三
弟相續秉政。舉宗居位。克塞朝廷。將害國家。故天象
仍見。哀帝建平三年正月癸卯。桂宮鴻寧殿災。帝

祖母傳太后所居也。時傳太后欲與成帝母等號齊
尊。大臣以諫獲罪。後三年。帝崩。傳氏誅滅。平帝元
始五年七月己亥。高皇帝原廟殿門災。盡。時平帝幼。
王太后臨朝。委政王莽。將篡漢祚。隋高帝宗廟。故天
象見也。王莽地皇三年二月。霸橋災。數千人以水
沃救不滅。光武建武六年十二月。雒陽市火。二二
十四年正月戊子。雷雨霹靂火災。高廟北門。明帝
永平元年六月己亥。桂陽見火飛來燒城寺。章帝
建初元年十二月。北宮火燒壽安殿。延及右掖門。
元和三年六月丙午。雷雨火燒北宮朱爵西闕。和

帝永元八年。十二月丁巳。南宮宣室殿火。時和帝幸北宮。竇太后在南宮。明年。竇太后崩。十三年。八月己亥。北宮盛饌門閣火。時和帝幸鄧貴人。陰氏以罪廢死。立鄧貴人為皇后。十五年。六月辛酉。漢中城固南城門災。此孝和皇帝將絕世之象也。其後二年。帝崩。殤帝及平原王皆早夭。和帝世絕。安帝永初元年。十二月。河南郡縣火。燒殺百五人。二年。河南郡縣又失火。燒五百二十四人。四月。甲寅。漢陽河陽城中失火。燒殺三千五百七十人。先是和帝崩。立殤帝。復早夭。平原王勝有廢疾。乃更立清和王子。是

河

元初四年。三月戊子。杜陵園火。元初四年。二月壬戌。武庫火。燒兵物一百一十五種。直千萬以上。時羗叛。大發兵禦之。積十餘年。天下厭苦兵役。延光元年。八月戊子。陽陵園寢殿災。凡災發于先陵。此太子將廢之象也。若曰。不當廢太子。以自翦。如火不當害先陵之寢也。明年。上以讒言。廢皇太子為濟陰王。後二年。宮車晏駕。中黃門孫程等十九人。起兵殿省。誅賊臣。立濟陰王。四年。秋。七月乙丑。漁陽城門樓災。順帝永建三年。七月丁酉。茂陵園寢殿災。古

註曰

二年五月戊辰。守官失火。燒官藏財物。盡四年。河南郡縣失火。燒人六畜。陽嘉元年。恭陵

庶災及東西幕府火。古今註曰十二月河南郡國火燒廬舍殺人也。太尉李

固以為奢僭所致。陵之初造。禍及枯骨。規廣治之。充

飾。又上欲更造宮室。益臺觀。故火起幕府。燒材木。元

和元年。十月丁未。承福殿火。臣昭按楊厚傳是災。先是爵號阿

母宋娥為山陽君。后父梁商本國侯。又多益商封。商

子冀不襲父爵。別封襄邑侯。皆過差非禮。漢安元

年。三月甲午。雒陽劉漢等百九十七家。為火所燒。古

註曰火或從室屋間物中不知所從起數月乃止。後四年。宮車比三晏駕。建

和元年。君位乃定。桓帝建和六年。五月癸丑。北宮

掖庭中德陽殿火。及左掖門。時梁冀挾姦。僭殺太尉

杜喬。是後梁太后崩。梁氏誅滅。延熹四年。正月辛

酉。南宮嘉德殿火。戊子。丙署火。二月壬辰。武庫火。五

月丁卯。原陵長壽門火。先是。皇后因賤人得幸。號貴

人。為后上。以后。母宣為長安君。封其兄弟。受寵隆崇。

又多封無功者。去年春。白馬令李雲坐直諫死。至此

善除心尾。火連作。五年。正月壬午。南宮丙署火。四

月乙丑。恭北陵東闕火。戊辰。虎賁掖門火。五月。康陵

園寢火。甲申。中藏府承祿署火。七月己未。南宮承善

闕內火。六年四月辛亥。康陵東署火。七月甲申。平陵

園寢火。八年二月己酉。南宮嘉德署。黃龍千秋萬

歲殿皆火。四月甲寅。安陵園寢火。閏月。南宮長秋和
 歡殿。後鉤盾掖庭。朔平署各火。十一月壬子。德陽前
 殿西閣及黃門北寺火殺人。袁山松書曰。是時連月
 有三發。又夜有訛言。擊鼓相驚。陳蕃劉志茂上疏諫。
 曰。古之火皆君弱臣強。極陰之變也。前始春而獄刑
 慘。故火不炎。上前入春。節連寒木。水暴風折。樹又入
 九州郡。並言隕霜殺菽。春秋晉執季孫行父。木為之
 水。夫氣弘則景星見。化錯則五星開。日月蝕災為已
 然。異為方來。恐卒有變。必于三朝。唯善政可以已之。
 願察臣前言。不棄愚忠。九年三月癸巳。京都夜有火
 則元元幸甚。書奏不省。
 光轉行。民相驚譟。袁山松書曰。是時宦豎專朝。鉤黨
 事起上尋。無嗣。陳蕃竇武為曹節
 等所害。天下
 無復紀綱。靈帝熹平四年五月。延陵園災。光
 和
 四年閏月辛酉。北宮東掖庭永巷署災。陳蕃諫云。楚
 女悲而西宮

災不御宮女
 怨之所致也

五年五月庚申。德陽前殿西北入門

內永樂太后宮署火。

中平二年二月己酉。南宮雲

臺災。庚戌。樂城門災。

南宮
 中門

延及北闕道西。燒嘉德和

歡殿。案雲臺之災。自上起。椽題數百。同時並燃。若就

縣華鐙。其日燒盡。延及白虎威興門。尚書符節蘭臺。

夫雲臺者。乃周家之所造也。圖書術籍珍玩寶怪。皆

所藏在也。京房易傳曰。君不思路。厥妖火燒宮。是時

黃巾作慝。七州二十八郡。同時俱發。百姓死傷過半。

靈帝虛侈。滋甚。官非其人。政以賄成。天戒若曰。放賢

賞淫。何以舊典為。故焚其臺門秘府也。其後三年。靈

帝暴崩。繼以董卓之亂。火三日不絕。京都丘墟。獻

帝初平元年。八月。霸橋災。其後三年。董卓見殺。

魏明帝太和五年。五月。清商殿災。初帝為平原王。納

河南虞氏為妃。及即位。不以為后。更立典虞車工卒

毛嘉女為后。后本反。微非所宜升。以妾為妻之罰也。

青龍元年。六月。洛陽宮鞠室災。二年。四月。崇華殿

災。延于南閣。繕復之。至三年七月。此殿又災。帝問高

堂隆。此何咎也。于禮寧有所禳之義乎。對曰。夫災變

之發。皆所以明教誡也。惟率禮修德。可以勝之。易傳

曰。上不儉。下不節。孽火燒其室。又曰。君高其臺。天火

為災。此人君苟飾。宮室不知。百姓空竭。故天應之以

旱。火從高殿起也。按舊占曰。災火之發。皆以臺榭宮

室為誠。今宜罷散作役。務從節約。清掃所災之處。不

敢于此有所營造。蕙甫。上所甲反。下音甫。嘉禾必生此地。以

報陛下虔恭之德。帝不從。遂復崇華殿。改曰九龍。以

郡國前後言龍見者九。故以為名。多棄法度。疲衆逞

欲。以妾為妻之應也。

吳孫亮建興元年。十二月。武昌端門又災。內殿門

者。號令所出。殿者聽政之所。時諸葛恪執政。矜慢

放肆。孫峻總禁旅。儉害終著。恪喪衆殄人。峻授政

于_其琳。琳廢亮也。太平元年二月朔建鄴火。時孫
琳執政。矯詔殺呂據。滕胤。明年又殺朱異。棄法律。
逐功臣之罰也。孫休永安五年二月城西門北
樓災。六年十月石頭小城火。時嬖人張布專國。多
行無禮。孫皓建衡二年三月大火燒萬家。死者
七百人。時皓制令詭暴棄法度。誅名士。後宮女謁
盛行。

晉武帝太康八年三月乙丑震災。西閣楚王所止坊
及臨商觀。愍。十年四月癸丑崇賢殿災。十月庚辰
含章鞠室脩成堂前廡景坊東屋暉章殿南閣火。時

有土書曰。漢王氏五侯兄弟迭任。今楊氏三公並在
大位。故天變屢見。竊為陛下憂之。由是楊珧音通求退。

是時帝納馮統都敢反之間。廢張華之功。聽楊駿之讒。

離衛瓘之寵。此逐功臣之罰也。明年宮車晏駕。其後

楚王承竊發之旨。戮害二公。身亦不免。震災其坊。又

天意乎。惠帝元康五年閏月庚寅武庫火。張華疑

有亂。先命固守。然後救火。是以累代異寶。王莽頭。孔

子辰其逆反。漢高祖斷白蛇劍。及二百萬人器械。一時

蕩盡。是後愍懷見殺。太子之罰也。天戒若曰。冢嗣將
傾。社稷將泯。禁兵無所復施。皇旅又將誰衛。帝后不

悟終喪四海。八年十一月。高原陵火。時賈后凶恣。賈謐專朝。惡罪宜見誅絕之應。永興二年七月甲午。尚書諸曹火起。延崇禮閣及閣道。夫百揆主化之本。王者秉法律之應也。後清河王暉入嗣。不終于位。又殺太子之罰也。孝懷帝永嘉四年十一月。襄陽火。燒死者三千餘人。是時三如自號大將軍。司雍二州牧。衆四五萬。攻畧郡縣。此下陵上。陽失其節之應也。元帝太興中。王敦鎮武昌。武昌火。火起。與衆救之于此。而發于彼。東西南北數十處俱應。數日不絕。舊說所謂濫炎妄起。雖與師衆不能救之之謂也。于寶以

爲此臣而君行。亢陽失節。是爲王敦陵上有無君之心。故災也。永昌二年正月癸巳。京都大火。三月。饒安東光安陵三縣。火燒七千餘家。死者萬五千人。明帝太寧元年正月。京都火。是時王敦威侮朝廷。多行無禮。內外臣下。咸懷怨毒。極陰生陽也。成帝咸和二年五月。京師火。康帝建元元年七月庚申。吳郡災。穆帝永和五年六月。震災。石季龍太武殿。及兩廟端門震災。月餘乃滅。金石皆盡。其後季龍死。大亂遂滅亡。海西公太和中。郟愔爲會稽太守。六月。大旱災。火燒數千家。延及山陰。倉米數百萬斛。炎煙蔽

天不可撲滅。此亦桓溫強盛將廢海西。極陰生陽之應也。孝武帝寧康元年三月。京都風火六起。是時桓溫入朝。志在陵上。少主踐位。人懷憂恐。此與太寧火事同。太元十年正月。國子學生因風放火。焚房百餘間。是後考課不厲。賞黜無章。益有育才之名。而無收賢之實。此不哲之罰。先兆也。十三年十二月乙未。延賢堂災。是月景申。螽斯則百堂。及客館驃騎府庫皆火。于時朝多弊政。衰陵日兆。不哲之罰。皆有象類。主相不悟。終至亂亡。會稽王道子。寵幸尼及姁武酣反母。各樹用其親戚。及至出入宮掖。禮見火主。老女稱

天戒若曰。登延賢堂及客館者。多非其人。故災之也。又孝武帝更不立皇后。寵幸微賤張夫人。夫人驕妬。皇子不繁。乖螽斯則百之道。故災其殿焉。道子復賞賜不節。故府庫被災。斯亦其罰也。安帝隆安二年三月。龍舟二乘災。是水沴火也。其後桓玄篡位。帝乃播越。天戒若曰。王者流遷。不復御龍舟。故災之耳。元興元年八月庚子。尚書下舍曹火。時桓玄遙錄尚書。故天火示不復居也。三年。盧循攻畧廣州。刺史吳隱之閉城固守。其十月壬戌夜火起。時百姓避寇。盈滿城內。隱之懼有應賊者。但務嚴兵。不先救火。由

是府舍焚蕩。燒死者萬餘人。因遂散潰。悉為賊擒。

義熙四年。七月丁酉。尚書殿中吏部曹火。九年。京

都大火。燒數千家。十一年。京都所在大行火炎。吳

界充甚。火防甚峻。猶日不絕。王弘時為吳郡。晝在聽

事。見天上有一赤物下。狀如信幡。遙集路南人家屋

上。火即大發。弘知天為之災。故不罪火主。此帝室衰

微之應也。

宋文帝元嘉五年。正月戊子。都下大火。七年。十二

月。都下火延燒大社北墻。二十九年。三月壬午。都

下火。

齊東昏侯永元二年。七月甲申。宮內火。惟東閣內明。

帝舊殿數區。及太極殿以南得存。餘皆蕩盡。

梁武帝天監元年。五月。有盜入南北掖。燒神武門總

章觀。時帝初即位而火燒觀闕。不祥之甚。既而太子

薨。皇孫不得立。及帝暮年。惑于朱异之口。果有侯景

之亂。宮室多被焚燒。天誠所以先見也。普通二年。

五月。琬琰殿火。延燒後宮三千餘間。中大通元年。

朱雀航華表災。明年同泰寺災。大同三年。朱雀門災。

水沴火也。時帝崇尚佛道。宗廟牲牲皆以麵代之。又

數詣寺捨身為奴。王公以下贖之。天變數見而不悟。

後卒以亡

陳武帝永定三年重雲殿災

東魏天平二年十一月閭闔門災是時齊神武作宰

而大野拔斬樊子鶴以州來降神武聽讒而殺之司

空元暉免逐功臣大臣之罰也武定五年八月廣

宗郡火燒數千家

後齊後主天統三年九龍殿災延燒西廊四年昭陽

宣光瑤華三殿災延燒龍舟是時讒言任用正士道

消祖孝徵作歌謠斛律明月以誅死讒夫昌邪勝正

之應也京房易傳曰君不思道厥妖火燒宮

隋開皇十四年將祠太山令使者致石象神祠之所

未致數里野火歛起燒像碎如小塊時帝頗信讒言

猜阻骨肉滕王瓚失志而死創業功臣多被夷滅故

天見變而帝不悟其後太子勇竟被廢戮大業十二

年顯陽門災舊名廣陽則帝之姓名國門之崇顯號

令之所由出也時帝不遵法度驕奢荒怠信讒害忠

天意若曰害廣陽也

唐貞觀四年正月癸巳武德殿北院火二十三年

三月甲弩庫火永徽五年十二月乙巳尚書司勳庫

火顯慶元年九月戊辰恩州吉州火焚倉廩甲仗

文獻通考 卷之三百九十八
民居二百餘家。十一月己巳。饒州火。證聖元年。正月丙申。夜。明堂火。武太后欲避正殿。徹樂。宰相姚璩以爲火因人。非天災也。不宜貶損。后乃御端門觀酺。引建章故事。復作明堂以厭之。是歲內庫災。燔二百餘區。萬歲登封元年。三月壬寅。撫州火。又視元年。八月壬子。平州火。燔千餘家。景龍四年。二月。東都凌空觀災。開元五年。十一月乙卯。定陵寢殿火。是歲洪州潭州災。延燒州署。州人見有物赤而噉噉飛來。旋即火發。十五年。七月甲戌。興教門樓柱災。是年衡州災。延燒三百餘家。州人見有物大如甕。赤如燭籠。所至火即發。十八年。二月丙寅。大雨雪。俄而雷震。左飛龍廡災。占曰。天火烧廡。兵大起。十月乙丑。東都宮佛光寺火。天寶二年。六月。東都應天門觀災。延燒左右。延福門經日不滅。京房易傳曰。君不思道。天火燔其宮室。九年。三月。華岳廟災。時帝將封西岳。以廟災乃止。十年八月丙辰。武庫災。燔兵器四十餘萬。武庫甲兵之本也。寶應元年。十二月己酉。太府左藏庫火。廣德元年。十二月辛卯。夜。鄂州大風。火發江中。焚舟三十艘。延及岸上民居二千餘家。死者數千人。大曆十年。二月。莊嚴寺浮圖災。初有

疾風震電俄而火從浮圖中出。貞元元年江陵度
支院火焚江東租賦百餘萬。十三年正月東都尚
書省火。十九年四月家令寺火。二年七月洪州
火。燔民舍萬七千家。元和七年六月鎮州甲仗庫
災主吏坐死者百餘人。八年江陵大火。十一年
十一月甲戌元陵火。李師道起宮室于鄆州將謀亂
既成而火。太和二年十一月甲辰禁中昭德寺火
延至宣政東垣及門下省宮人死者數百人。三年
十月癸丑仗內火。四年三月陳州許州火燒萬餘家
十月浙西火。八年三月揚州火皆燔民舍千區。五
月己巳飛龍駒中廐火十月揚州市火燔民舍數千
區。十二月禁中昭成寺火。開成二年六月徐州火
延燒居民三百餘家。四年十二月乙卯乾陵火。丁
丑晦揚州市火燔民舍數千家。會昌元年五月潞
州市火。三年六月西內神龍寺萬年縣東市火焚
廬舍甚衆。六年八月葬武宗辛未靈駕次二原縣
夜大風行宮幔城火。乾符四年十月東都聖善寺
火。大順二年六月乙酉幽州市樓災延及數百步
七月癸丑甲夜汴州相國寺佛閣災是日暮微雨震
電或見有赤塊轉門譙藤網中周而火作頃之赤塊

北飛轉佛閣藤綱中亦周而火作既而大雨暴至平地水深數尺火益甚延及民居三日不滅

後唐天成四年十一月汝州火燒羽林軍營五百餘

間先是司天奏熒惑入羽林請京師爲火備至是應之長興二年四月汴州封

禪寺門上忽有火起延燒近寺廬舍相次黎陽縣亦

火

晉天福三年十一月襄州奏火焚居民千餘家

周顯德五年四月吳越王錢弘俶奏十日夜杭州火

焚燒府署殆盡上命中使齋詔恤問

宋建隆元年宿州火燔民舍萬餘區二年三月內

酒坊火燔舍百八十區酒工死者三十餘三年正

月滑州甲仗庫火燔儀門及軍資庫一百九十區兵

器錢帛並盡開封府通許鎮民家火燔廬舍三百四

十餘區二月安州牙吏施延業家火燔民舍并顯

義軍營共六百餘區五月京師相國寺火燔舍百

餘區海州火燔數百家死者十八人乾道四年二

月岳州衙署廩庫火燔市肆民舍殆盡官吏踰城僅

免三年陳州火燔民舍數千區潭州火燔民舍五

百區踰月民死者三十六人是春諸州言火者甚衆

八月衡州火燔公署倉庫民舍僅千餘區五年京

師建隆觀火。開寶二年。八月。辰州解火。及燔軍資庫。五年。七月。忠州解火。倉庫殆盡。七年。九月。亳州永城縣火。燔民舍一千八十四區。八年。四月。洋州火。燔州解民舍千七百區。亳州永城縣火。燔軍營民舍千九百八十區。死者九。太平興國七年。八月。益州西倉災。九年。五月。丁丑。乾元文明二殿災。初夕。陰雲雷震。火起。月華門翊日辰巳方止。雍熙二年。九月。庚戌。夜。楚王元佐宮火。燔舍數百區。王自是以疾廢于家。端拱元年。二月。雲安軍威棹營火。二年。三月。衡州火。燔州縣官舍倉庫軍營二百餘區。

又崇賢坊有烏街火。燔數十處。七日不滅。淳化三年。十月。蔡州懷愛軍營火。燔汝河橋民居官舍三千餘區。死者數人。十二月。建安軍城西火。燔民舍官廨等殆盡。四年。二月。永州保安津舍火。飛燄過江。燒州門。及民屋三百餘家。咸平二年。四月。池州倉火。燔米八萬四千斛。景德元年。正月。平虜軍營火。焚居民廬舍甚衆。四年。十一月。鄂州火。倉庫並盡。大中祥符元年。正月。桂州甲仗庫災。二年。四月。昇州火。燔軍營民舍殆盡。七年。雄州甲仗庫火。八年。二月。甲寅。宗正寺火。四月。壬申。夜。榮王元儼宮

火自三鼓北風甚。癸酉亭午乃止。延燔承天祥符門。內藏左藏庫。朝元門崇文院。秘閣天書法物。內香藥庫。九年五月甲子。左天廡坊草場火。天禧二年二月戊寅。北宅泰州團練使德雍院火。延燔數百區。三年春京師多火。六月。永州軍營火。延民舍數百區。天聖七年六月丁未。玉清昭應宮災。初太中祥符元年。詔建宮以藏天書。七年宮始成。凡三千六百一十楹。至是火發。夜中大雷雨。至曉而盡。明道元年八月壬戌。脩文德殿成。是夜中火。延燔崇德長春滋福會慶延慶崇徽天和承明八殿。景祐三年七月庚

子。太平興國寺火。起閣中。延燔開先殿及寺舍數百楹。是夕大雨電。寶元三年六月丁丑。益州火。焚民廬舍三千餘區。康定元年六月乙未。南京鴻慶宮神御殿火。慶曆三年十一月丙寅。上清宮火。八年正月壬午。江寧府火。初李景在江南大建宮室府事。其制多倣帝室。至是一夕而焚。惟存一廳。乃玉燭殿也。至和二年并州太宗神御殿火。嘉祐三年正月。溫州火。燔屋萬四千間。死者五十人。治平四年十二月壬子夜。睦親宮火。焚九百餘間。甲寅廣親宮又火。熙寧六年二月丙申。永昌陵上宮火。燔東

神門。七年九月壬子。三司火。自巳至戌。焚屋千八
十楹。案牘殆盡。十年正月。仙韶院火。撤屋二百五
十楹。三月丙子。開封府火。元豐元年八月。邕州
火。焚官舍千三百四十六區。諸軍衣萬餘襲。穀帛軍
器百五十萬。四年六月。衡州火。燒官舍民居七千
二百楹。欽州大雷震火。焚城屋。五年二月。洞宮
火。八年二月辛巳。開寶寺火。時寓禮部貢院于寺。
點檢試卷官翟曼陳方馬希孟焚死。吏卒死者十四
人。元祐元年三月。宗室宮院火。六年十二月。開
封府火。紹聖三年三月初七日。尚書省火。尋撲滅。

上諭執政禁中屢火。万醮禳已罷。春宴仍不御垂拱
殿三日。四年七月甲子。禁中火。元符元年四月。
宗室宮院火。建中靖國元年六月壬寅。集禧觀火。
大雨中久而後滅。崇寧二年六月。太一宮火。三年。
三月辛丑。大內火。政和三年四月。蘇州火。延燒公
私屋一百七十餘間。五月辛丑。京師大盈倉火。是
歲成都府大慈寺。溫州純州皆火。八年九月。掖庭
大火。自甲夜達曉。大雨如傾。火益熾。凡斃五千餘間。
後苑廣聖宮及宮人所居幾盡。焚死者甚衆。靖康
元年十二月丙子。夜尚書省火。延燒禮祠工刑吏部

拆尚書省牌擲火中。禳之乃息。二年三月戊戌天

漢橋火焚百餘家。頃之都亭驛又火。巳酉保康門火。

紹興元年十月乙酉行在越州大火。民多露處。今有

緡粟弛財十二月辛未越州再火。吏部文書多焚。乙

酉降旨移蹕錢塘。二年正月丁巳宣州大火。燔城

中民舍幾盡。五月庚辰行在臨安府大火。頃刻跨

山亘六七里。燔民舍一萬數千家。十二月甲午行

都大火。燔吏刑工部。御史臺官府民廬軍壘盡。乙未

旦乃熄。銓選文書無存者。令戶部發廩賑災室三年九月庚

申行都闕門外民廬火。燔者甚廣。令戶部發廩以賑命有司脩火政

四年正月戊寅行都火。燔闐闐民廬數千家。六年

二月行都屢火。通燔千餘家。詔沿流州縣幾執姦

十二月行都大火。燔民廬萬餘家。人有灼死者。時

上以劉豫入寇親征。都民之暴露者多凍死。令留守

戶部米七年二月丁酉太平州大火。州治宣撫司

及官舍民廬帑藏文書皆盡。民之死于火者甚衆。錄

事參軍呂應中死其職。當塗縣丞李致虛亦死焉。

九年二月巳卯行都火。七月壬寅復火。十年十月

行都火。燔民廬官舍。延及省部。十一月丁巳溫州

大火。燔州學。酤征舶等務。永嘉縣治及民廬千餘家

文獻通考 卷之三十九 二五

十一年七月。婺州大火。燔郡獄倉場務寺觀甚廣。民廬幾燬其半。九月甲寅。建康府火。燔府治三千餘區。民廬三千餘家。十二年三月丙申。行都火。二月辛巳。鎮江府火。燔倉米數萬石。芻六萬束。民居之焚者尤衆。是月太平池州及蕪湖縣火。皆燔民廬。四月庚辰。行都火。九月甲子。行都民居火。經夕漸近。太室而滅。乙丑。今有司撤火道。周廟垣二十步。十七年十二月辛亥。靜江府火。燔民舍甚衆。二十年正月壬午。行都火。燔吏部文書皆盡。二十六年。潭州南岳廟火。即請復作廟。令有司給以緡粟。二十九。四月。鎮江府火。禁軍壘

民廬。今有司予財賑粟。

乾道元年。春。德安府應城縣廐驛

火。二年冬。真州六合縣。武鋒軍壘火。十二月。婺州

火。自是火患不息。人火之也。九年九月。台州火。經

夕。至于翌日。晝漏半。燔郡獄縣治醞務及民廬七千

餘家。淳熙元年。十二月丁巳。泉州火。燔城樓民舍

五十餘家。今有司賑恤。二年六月戊午。潭州南岳廟火。

今有司給錢萬五千。緡粟三千斛。改作。八月。嚴州火。令守臣恤之。十一

月。癸亥。麗正門內東廡災。是歲瀘州火。郡上焚室之書不實。部刺

史張之俱坐貶之。三年九月。大內射殿災。延及東宮門。

四年十一月辛酉。鄂州南市火。暴風通夕。燔民舍千

文獻通考 卷三百九十八
餘家令曹臣郡五年四月庚寅興州沙市火燔民

舍三百四十餘家人有焚死者十一月和州牧營

火燔一百六十區禁旅番上者居之也七年二月江陵府沙

市大火燔民舍數千家江艦焚溺不可勝計灼死者

甚眾八月温州試丁酉火作于貢闈上令籍元卷姓名再試防

其溢于外貫也八年正月揚州火九年九月合州大火

燔民居幾盡官舍僅有存者十二年八月温州火

燔城樓居民廬四百餘家十月鄂州大火燔民居

萬餘家江風暴作結廬于隄泊艦于岸者焚溺無遺

令守臣恤之且止民毋隄居十四年五月大内武庫火戒器不

害六月庚寅行都寶蓮山民居火延七百餘家採

焚將校有死者令守臣以緡粟賑之五月成都府市火燔民

舍萬家令帥臣賑恤之十六年九月南劍州大火民居存

者無幾紹熙元年八月壬寅處州火延州市及民

舍數百家二年四月行都傳法寺火延及民廬言

者以戚里土木為孽火數起之應時中宮建廟第

都民之應徙者多是月徽州大火自庚子至于壬

寅夜燔州治樵樓官舍郡獄緡帑庫務凡十九所五

百二十餘區延戶廬一千五百家令部使者賑之粟五月

巳巳金州火燔州治官舍帑藏保勝軍器庫城内外

民舍甚廣。令總饗及當平使者賑之三年正月己巳。行都火。通

夕至于庚午。闐闐焚者半。十一月又火。燔民居五百

餘家。十二月甲辰。鄂州火。至于乙巳。燔民居八百

家。市井樓帘無存者。慶元二年八月己酉。永州州

市火。燔民廬三百家。皆令守臣賑恤之三年五月甲申。金

州都統司中軍壘舍火。焚一千三百餘區。閏六月乙

酉。又火燔二千餘區。令于緡錢營其壘六年八月戊戌。徽

州火。燔民舍八百餘家。延郡獄官舍甚廣。守臣賑恤之

嘉泰元年三月戊寅。行都大火。至于四月辛巳。燔御

史臺司農寺。將作軍器監進奏文思御輦院。太史局

軍頭里城司法物庫。御厨班直諸軍壘及民居。五萬

八千九十七家。城內外亘十餘里。灼死之可知者五

十有九人。而踐死者不可計。都城九燬其七。時百官

皆僦以居。是夕火作于寶蓮山御史臺胥楊浩居舍

黥萬安軍自是都民譌自相驚。亡賴因以縱火為姦

猶免決三年正月丁酉。襄陽府火作而風暴。僅燔民

利。壬午上降次貶食下哀痛之詔內出帑錢一十六萬三千五百七十餘緡米六萬五千一百九十餘

石賑三年正月丁酉。襄陽府火作而風暴。僅燔民

舍六十家。選鋒軍校于友直死于救焚帥十一月

甲午。福州火。民舍之焚者四百餘家。四年三月丁

卯。行都大火。燔尚書省中書省樞密院六部。右丞相

府。制勅糧料院。親兵營修內司。延及學士院內酒庫

內宮門廡。夜召禁旅入撲。太室撤廟廡。神主移

御。壽慈宮冊寶隨之。戊辰旦火。及和寧門鴟。禁卒

張隆飛梯斧鴟門以下不火。是夕火分數道。燎民廬

三千七十餘家。詔出內帑緡錢已巳。神主回御太

室。時省部皆寓治驛寺。壬申上避路朝下罪已詔乙亥令百官直言時政闕失

六月。盱眙軍天長縣禁旅戍壘火。鎧械為盡。八月

壬辰。鄂州外南市火。燔民舍五百餘家。開禧二年。

二月癸丑。壽宮火。乙卯上降次去樂四月。壬子。行都火。燔

民居數百家。詔出封椿緡錢豐儲倉粟以賑嘉定二年。八月己巳。

信州火。燔民廬二百家。九月丁酉。吉州火。燔五百

餘家。是歲瀘州火。延及民廬一千餘家。皆冷郡賑恤之

四年。閏二月己卯。紹興府嵯縣浦橋火。燔百餘家。

三月。滁州火。燔民居甚廣。皆冷各郡賑恤之十月。撫州火。

辛卯。福州一夕再火。燔城門僧寺民廬千餘家。死者

數人。五年。五月己未。和州火。燔民廬二千家。八

年。八月辛丑。湖州火。燔寺觀及民廬三百家。九年。

七月甲戌。南劔州沙縣火。燔縣民官舍及民廬一千

一百餘家。有死者。令各郡賑恤之十一年。二月。行都火。燔

民居數百家。九月己巳。禁垣外萬松嶺民舍火。延

文獻通考 卷之三十九 三十九

及四百八十餘家。

今出緡粟賑之

十二年二月庚寅安豐

軍故步鎮火燔民廬千餘家死傷于焚者五十餘人

令郡守賑恤之

八月庚午慶元府火燔官舍民廬第宅寺

觀甚衆

詔縣焚室而免其年租賦

十一月壬子行都火燔城內

民廬數萬家禁壘百二十區

賑軍民緡粟令臨安府帥臣安集焚徒者且弛

財葦之征

十七年四月丁卯西和州焚軍壘及繞城民

廬二千餘家人火之也

守臣尚震午間虜焚之而道虜實不至

六月

岳

丁亥兵州火燔岳陽樓郡獄帑庫及民居八十家巳丑又火燔百餘家

火異

周武王伐紂師渡孟津既濟有火自上復于下至于

王屋流為烏其色赤其聲魄云

註見羽蟲之異

威烈王三

年冬十一月晉有火下于北方有聲如鼓

漢成帝河平四年六月山陽火生石中改元為陽朔

朔始也以火生石中言陽氣之始

後漢桓帝延熹九年三月癸巳京師有火光轉行人

相驚譟

晉惠帝永康元年帝納后羊氏將入宮衣中忽有火

衆咸怪之後后竟坐廢光熙元年五月范陽國地

燃可以爨穆帝升平元年京州城東池中有火

狀通考

卷之三十六

三

姑臧澤水中有火

石虎時石燃于泰山八日而滅符堅時關中土

燃無火而煙氣大起方數十里中月餘不滅

齊武帝永明十一年先是魏地謠言赤火南流喪南

國是歲有沙門從北齊此火至火赤于常火而微云

以療疾貴賤爭取之多得其驗二十餘日都下大盛

咸云聖火詔禁之不止火炙至七炷而疾愈吳興丘

國賓密以還鄉邑人楊道慶虛疾二十年依法炙即

差

唐貞觀十三年三月壬寅雲陽石燃方丈晝則如灰

夜則有光投草木則焚歷年乃止火失其性而冷

也幽州坊谷地常有火長慶三年夏遂積水為池

近水冷火也

宋開寶七年六月棣州有火自空墜于城北有物如

龍詳見龍蛇之異

端拱元年瀘州鹽井竭遣工入視忽有

聲如雷火焰突出工被傷

紹興三十二年建昌軍新城縣有巨室篋中時有火

光燔衣帛過半而篋不焚近孽火也

赤青赤祥

左氏傳魯哀公時宋有生女子赤而毛棄之隄下宋

平公毋共姬之御者。見而收之。因名曰棄。長而美好。納之平公。生子曰佐。後宋臣伊戾讒太子座而殺之。先是大夫華元出奔晉。華弱奔魯。華臣奔陳。華合北奔衛。劉向以為時則火災。赤青之明應也。京房易傳曰。尊卑不別。厥妖女生赤毛。

漢惠帝二年。天雨血于宜陽一頃所。劉向以為赤青也。時諸呂用事。讒口妄行。殺三皇子。高帝三子建立非嗣。

立後官子為惠帝嗣及呂太后崩。大臣共誅滅諸呂。僵尸流血。京房易傳曰。歸獄不解。茲謂追非。厥咎天雨血。茲謂不親。民有怨心。不出三年。無其宗人。又曰。佞人祿功。

臣修。天雨血。武帝建元四年。有風赤如血。哀帝

建平四年。四月。山陽湖陵雨血。廣三尺長五尺。大者如錢。小者如麻子。建二年。帝崩。王莽擅朝。誅貴戚。丁

傳大臣董賢等。皆放徙遠方。與諸呂同象。誅死者少。

雨血亦少。王莽始建國四年。夏赤氣出東南。竟天。後漢和帝建和三年。秋七月。北地廉雨肉似羊肋。肋骨

也或大如手。近赤祥也。時梁太后攝政。兄冀專權。枉叔李固杜喬等。天下冤之。其後梁氏誅滅。

魏公孫淵時。襄平北市生肉。長圍各數尺。有頭目口喙。無手足而動搖。此赤祥也。占曰。有形不成。有體不

殺

聲其國滅亡。淵尋為魏所誅。

吳戌將鄧喜殺猪祠神治畢懸之。忽見一人頭往

食肉。喜引弓射中之。咋助陌反作聲。繞屋三日。近

赤祥也。後人曰喜謀北叛闔室受誅。京房易妖曰。

山見葆江于邑。邑有兵。狀如人頭赤色。

晉武帝太康五年。四月壬子。魯國池水變赤如血。十

年。十月。河陰有赤雪三頃。此赤祥也。是後四年。而帝

崩。王室遂亂。惠帝元康五年。三月。呂縣有流血。東

西百餘步。此赤祥也。至元康末。窮凶極亂。僵尸流血

之應也。干寶以為後八年。而封雲亂徐州。殺傷數萬

人。是其應也。

永康元年。三月。尉氏雨血。夫政刑舒

緩則有常燠。赤祥之妖。此歲正月送愍懷太子幽于

許宮。天戒若曰。不宜緩恣姦人。將使太子寃死。惠帝

愚眊不寤。是月愍懷遂斃。于是王室成釁。禍流天下

淖奴效反齒殺齊潛眉隕反占曰。天雨血霑衣。天以告也。

此之謂乎。京房傳曰。歸獄不解。茲謂追非。厥咎天

雨血。茲謂不親。下有怨心。不出三年。亡其宗人。又曰。

佞人祿。功臣戮。天雨血也。惠帝永寧二年。十一月。

壬寅夜。赤氣竟天。隱隱有聲。永興二年。十月。赤氣

見于北方。東西竟天。愍帝建興元年。河東雨肉。

劉聰僞建興元年。雨血于東宮。延明殿。徹瓦在地者深五寸。又雨血平陽。廣袤十里。平陽地震。其崇明觀陷爲池。水赤如血。赤氣至天。有赤龍奮迅而去。流星起于牽牛。入紫微。龍形委蛇。其光照地。落于平陽北十里。視之則肉。臭聞于平陽。長三十步。廣二十七步。肉傍常有哭聲。晝夜不止。數日聰后劉氏產一蛇。一獸。各害人而走。尋之不得。頃之見于隕肉之傍。時聰納劉殷三女爲后。逆骨肉之綱。亂人倫之則。隕肉諸妖。其眚亦大。俄而劉氏死。哭聲自絕。

石虎末雨血周遍鄴城

梁武帝天監十五年七月。荆州市殺人而身不僵。首隋于地。動口張目。血如竹箭。直上丈餘。然後如雨細下。是歲荆州大旱。近赤祥冤氣之應。

陳宣帝大建十四年正月。御坐幄下。見一物如車輪。色正赤。尋而帝患。無故大叫數聲而崩。後主至德二年十二月。有赤物隕于太極殿前。初下。鍾皆鳴。又嘗進白飲。忽變爲血。又有血霑殿階。瀝瀝然至御榻。俄而國亡。

後齊河清二年。太原雨血。劉向曰。血者陰之精。傷害

之象。僵尸之類。明年周師與突厥入并州。大戰城西。伏尸百餘里。京房易飛候曰。天雨血染衣。國亡君戮。亦後主亡國之應。四年。有物隕于殿庭。色赤形如赤漆鼓。帶小鈴。衆星隨者如小鈴。四月。婁太后崩。武平中。有血點地。自咸陽王斛律明月宅。而至于太廟。天戒若曰。殺明月。則宗廟隨而覆矣。後主不悟。國祚竟絕。隋煬帝大業十三年。上徙居丹陽。將遜居江左。有石自江浮入于楊子。日光四散如血。上甚惡之。次年。遇弒。

唐武德七年。河間王孝恭征輔公祐。宴羣師于舟中。孝公以金盃酌江水將飲之。則化爲血。孝恭曰。盃中之血。公祐授首之祥。武德初。突厥國中。雨血三日。光宅初。宗室岐州刺史崇真之子橫杭等。夜宴忽有氣如血腥。武后時。來俊臣家井水變赤如血。井中夜有吁嗟嘆惋聲。俊臣以木棧之。木忽自投十步外。長安中。井水晉祠水赤如血。中宗時。成王千里家有血點地。及奩箱上有血淋漓腥聞數步。又中即將東夷人毛婆羅炊飯。一夕化爲血。景龍二年。七月。癸巳。赤氣際天。光燭地。三日乃止。赤氣血祥也。天

寶六年。少陵原楊慎。矜父墓封域內草木皆流血。慎矜令浮屠史敬思禳之。退朝裸而桎梏于叢棘間。如是數旬而流血不止。十二年。李林甫第東北隅。每夜火光起。或有如小兒持火出入者。近赤祥也。寶應元年。八月庚午夜。有赤光。亘天貫紫微。漸移東北。彌漫半天。大曆十三年。二月。太僕寺有泥像。左臂上有黑汗滴下。以紙承之血也。貞元二年。十一月。壬午。日沒有赤氣五出于黑雲中。亘天。十二年。九月癸卯夜。有赤氣如火見北方。上至北斗。十七年。福州劔池水赤如血。二十一年。正月甲戌。雨赤雪。

于市師。元和十四年。二月。鄆州從事院門前地。有血方尺餘。色甚鮮赤。不知所從來。以為自空而墮也。長慶元年。七月戊午。河水赤三日止。寶曆元年。十二月乙酉夜。西北有霧起。須臾遍天。霧止有赤氣。或淺或深。久而乃散。大和元年。四月庚戌。北方有赤氣。中有數白氣間之。六月乙卯夜。西北有赤氣。八月癸卯。京師見赤氣滿天。二年。閏三月乙卯。北方有赤氣如血。咸通七年。鄭州永福湖水赤如凝血者三日。乾符六年。中書政事堂。忽旦有死人血汚滿地。不知主名。又御井水色赤而腥。渫之得一死女。

子腐爛。近赤祥也。中和二年七月丙午夜。西北方赤氣如絳際天。光啟元年正月。潤州江水赤。凡數日。天寶十三年。汝南葉縣南有土塊。闔中有血出。數日不止。

宋熙寧二年十一月。每夕有赤氣見西北隅如火。至人定乃滅。元祐三年七月丁卯夜。東北方明如晝。俄成赤氣。內有白氣經天。建中靖國元年正月朔夕。有赤氣起東北。彌亘西方。久之。中出白氣二。及赤氣將散。復有黑氣在其傍。靖康元年九月戊寅。有赤氣隨日出。建炎元年八月庚午。東北方有赤氣。

古曰血祥。是歲金虜再犯京師。遂南牧。兵禍拏結。流血之象也。四年五月。洞庭湖夜赤光見。東北亘天如火。明照湖心。上下一色。俄轉東南。此血祥也。後虜兵犯湘沔。又鍾相孔彥舟曹火星劉超彭筠楊么。巨盜相繼荼毒諸道。卽其驗也。紹興七年正月乙酉。北方有赤氣達旦。辛卯。東北有赤氣如火。在牛斗間。十一月癸卯。南方有赤氣。東西北皆赤雲。自日入至于甲夜。皆赤祥也。八年九月甲申。赤氣出紫微垣。十八年八月丁亥。九月甲寅。皆有赤氣如大景。二十年十一月。建昌軍新城縣永安村。風雪大作。夜半

若數百千人行聲。語笑歌哭雜擾。匆遽而凝寒。陰黑。咫尺莫辨。窺之無所睹。明旦雪深。有人畜鳥獸跡。流血汙染十餘里。入山乃絕。近血妖亦赤祥也。二十七年。三月乙酉。赤氣出紫微垣。七月壬申。赤氣隨日入。三十年。二月壬申。皆有赤氣如火景。三十二年春。淮水溢。中有赤氣如凝血。先是金虜酋完顏亮入寇。駐揚州。爲其下所弑。至是始遁。淮水凝血。逆氣之應也。鄭景純曰。血水類同。屬于坎。後連歲旱。亦其驗也。隆興二年。十一月庚寅。日入後赤雲隨之。乾道元年。八月壬午。赤氣中天。自日入至于甲夜。

六年。十月庚午。赤氣隨日出。十一月丁丑。赤雲隨日入。至于甲夜。七年。七月壬寅。十月戊午。己未。八年。十月乙巳丙午。淳熙三年。八月丁酉。戊戌。皆有赤氣隨日入出。十三年。行都民舍有血自地中出。濺屋梁。汗人衣。近赤祥也。十四年。十一月癸丑。甲寅。有赤氣隨日入出。紹熙三年。春。潼川路久旱。日月星皆帶赤氣。四年。十一月甲戌。赤雲夜見。白雲間之。近赤白祥也。慶元六年。十月。赤氣夜發橫天。嘉泰四年。二月庚申。夜有赤雲。間以白氣。東北亘天。後八日。國有大火。言者以爲火祥。嘉定六年。十月。

乙卯赤氣隨日出十一月辛卯赤氣隨日入。

六月十日赤氣隨日出。六月十日赤氣隨日出。

星皆帶赤氣。四月十一日甲辰赤雲交其白雲間。

首赤氣隨日入出。臨淵三羊春童川甜久早日月。

望采于入交。出赤氣也。十四年十一月癸丑甲寅。

赤氣隨日入出。十三年合曆刃舍首血自此中出。

十月五日丙子。乾烈三羊八月丁酉九月未入羊。

人至于甲交。十月十日壬寅十月九日未入羊。

六月十日庚子赤氣隨日出十一月丁丑赤雲隨日。

文獻通考卷之二百九十九

鄱陽馬端臨貴與著

物異考

木異 華孽

殷大戊亳有祥桑穀共生。三木合傳曰俱生乎朝。七

日而大拱。兩手合為拱伊陟戒以脩德而木枯劉向以為

桑猶喪也。穀猶生也。殺生之柄矢而在下。近草妖。一

曰野木生朝而暴長。小人將暴在大臣之位。危亡國

家象。朝將虛之應也。

春秋魯僖公三十三年十二月李梅實。詳見草異門

考王十三年冬晉桃杏實 顯王元冬桃華于秦

漢惠帝五年冬桃李華棗實 呂后元年秋桃李華

文帝六年冬十月桃李華

昭帝時上林苑中大柳樹斷仆地一朝起立生枝葉

有蟲食其葉成文字曰公孫病已立昌邑王國社有

枯樹復生枝葉畦孟以為木陰類下民象當有故廢

之家公孫氏從民間受命為天子者昭帝富于春秋

霍光秉政以孟妖言誅之後昭帝崩無子徵昌邑王

賀嗣位狂亂矢道光廢之更立衛太子之孫是為宣

帝宣帝本名病已京房易傳曰枯楊生稊師古曰大過九二爻

辭也稊楊秀之始生者音徒奚反 枯木復生人君亡子

元帝初元四年皇后曾祖父濟南東平陵王伯墓門

梓柱卒生枝葉上出屋孟康曰王伯莽之祖也師古曰莽高祖父也故下云高祖

考卒讀曰粹粹暴也 劉向以為王氏貴盛將伐漢家之象也後

王莽篡位自說之曰初元四年莽生之歲也當漢九

世火德之厄而有此祥興于高祖考之門門為開通

粹猶子言王氏當有賢子開通祖統起于柱石大臣

之位受命而王之符也 建昭五年兖州刺史浩賞

禁民私所自立社張晏曰民間三月九月又社號曰私社臣瓚曰舊制二十五家為一

社而民或十家五家共為田 山陽橐茅鄉社有大槐

社是私社師古曰瓚說是

文獻通考

樹師古曰橐縣名也屬山陽郡吏伐斷之其夜樹復

立其故處成帝永始元年二月河南街郵樗樹生

支如人頭師古曰郵謂行書之舍樗樹侶眉目鬚皆

具亡髮耳哀帝建平三年十月汝南西平遂陽鄉

柱仆地生枝如人形師古曰仆身青黃色面白頭有

鬚髮稍長大凡長六寸一分京房易傳曰王德衰下

人將起則有木生為人狀哀帝建平三年零陵有

樹僵地師古曰僵圍大六尺長十丈七尺民斷其本

長九尺餘枯三月樹卒自立故處師古曰卒京房易

傳曰棄正作淫厥妖木斷自屬師古曰屬連續天辟

惡之如淳曰天辟謂天子建始四年秋桃李實

後漢安帝元初三年東平陸上言木連理序例曰凡

帝以上政事多美近于有實故書見于字處自安

延光三年穎川言木連理桓帝建和二年河東言

木連理延熹九年雒陽城局竹栢葉有傷者占曰

天子凶靈帝熹平三年右校別作中有兩樗樹皆

高四尺所其一株宿夕暴長長丈餘大一圍作胡人

狀頭目鬚髮備具京房易傳曰王德衰下人將起

則有木生人狀臣昭以木生人狀下人將起京房之

卓之亂實擁胡兵推况之時充斥甚逐窺間宮嬪

剽震百姓鮮甲之徒踐籍畿封胡之害深亦已毒矣

五年十月壬午。御所居殿後槐樹。皆六七圍。自拔倒。樹根在土。臣昭曰。槐是三公之象。貴之也。靈帝授位。不以德進。賢愚是升。清賢斯黜。槐之倒植。

豈以斯乎。中平中。長安城西北六七里。空樹中有人面。生鬚。魏志曰。建安二十五年正月。曹公在雒陽。起建始殿。伐濯龍樹。而血出。又掘徙梨根。傷而血出。

曹公惡之。遂寢疾。是月薨。獻帝興平元年九月。桑復生。樾可食。

臣昭曰。桑重生。樾誠是木異。必在濟民安。知非端于時。蒼生死。敗周秦。穢盡。餓魂。餒鬼。不可勝言。食此重。

根大。拯危命。雖連理。附枝。亦不能及。若以為怪。則建武野谷。旅生麻菽。志盛。復是草妖邪。

後主景曜五年。宮中大樹無故自折。

魏武帝建安十五年正月。在洛陽起建始殿。伐濯龍樹。而血出。又掘徙梨根。傷亦血出。帝惡之。遂寢疾。未

幾崩。文帝景初三年十月。桃李華。

吳孫亮建興元年九月。桃李華。

晉惠帝元康二年春。巴西郡界竹生紫花。結實如麥。外皮青中赤白味甘。元康九年六月。庚子。有桑生

東宮西廂。日長尺餘。甲辰枯死。此與殷太戊同妖。太子不能悟。故至廢戮也。班固稱野木生朝而暴長。小人將暴居大臣之位。危國亡家之象。朝將為墟也。是

後孫秀張林用事。遂至大亂。永康元年四月。立皇

孫臧為皇太孫。五月甲子。就東宮桑。又生于西廂。明年。趙王倫篡位。鴆殺臧。此與愍懷同妖也。是月壯武

年。趙王倫篡位。鴆殺臧。此與愍懷同妖也。是月壯武

年。趙王倫篡位。鴆殺臧。此與愍懷同妖也。是月壯武

年。趙王倫篡位。鴆殺臧。此與愍懷同妖也。是月壯武

年。趙王倫篡位。鴆殺臧。此與愍懷同妖也。是月壯武

年。趙王倫篡位。鴆殺臧。此與愍懷同妖也。是月壯武

年。趙王倫篡位。鴆殺臧。此與愍懷同妖也。是月壯武

國有桑化為柏。而張華遇害。壯武華之封邑也。孝
 懷帝永嘉二年。冬。項縣桑樹有聲如解材。人謂之桑
 樹哭。案劉向說。桑者來也。又為哭聲。不祥之甚。是時
 京師虛弱。胡寇交侵。東海王越無衛國之心。四年。冬。
 季而南出。五年。春。薨于此城。石勒邀其衆。圍而射之。
 王公以下至衆庶者十餘萬人。又剖越棺焚其屍。是
 敗也。中原無所請命。洛京亦尋覆沒。桑哭之應也。
 六年。五月。無錫縣有四株茱萸樹相樛。君而生。狀
 若連理。先是郭景純筮延陵蝦。於於反字或鼠遇臨
 之益曰。後當復有妖樹生若瑞。而非辛螫音之木也。

倘有此東西數百里。必有作逆者。及此木生。其後徐
 馥果作亂。亦草妖也。郭又以為木不曲直。其七月。豫
 章郡有樟。諸樹又枯。是日忽更榮茂。與漢昌邑枯
 社復生同占。是懷愍淪陷之徵。元帝中興之應也。
 元帝太興四年。王敦在武昌。鈴下儀仗生華如蓮華。
 五六日而萎落。此木失其性。于寶以為狂華生枯木。
 又在鈴閣之間。言威儀之富。榮華之盛。皆如狂華之
 發。不可久也。其後敦果以逆戮。一說亦華孽也。於
 易枯楊生華。明帝太興元年。九月。會稽剡縣木生
 如人面。是後王敦稱兵作逆。禍敗無成。昔漢哀成之

世並有此妖而人貌備具故其禍亦大今此但如人面而已故其變也輕矣。成帝咸和六年五月癸亥曲阿有柳樹枯倒六載是日忽復起生至九年五月甲戌吳縣吳雄家有死榆樹是日因風雨起生與漢上林斷柳起生同象初康帝爲吳王于時雖改封琅邪而猶食吳郡爲邑是帝越正體饗國之象也曲阿先亦吳地象見吳邑雄之舍又天意乎。哀帝興寧三年五月癸卯廬陵西昌脩明家有僵栗樹是日忽復起生時孝武年始四歲俄而哀帝崩海西卽位未幾而竅簡文越自藩王入纂大業祭非享國又不踰

二年而孝武嗣統帝諱昌明識者竊謂西昌修明之祥帝諱實應焉是亦與漢宣帝同象也

海西大和元年涼州楊樹生松天戒若曰松者不改柯易葉楊者柔脆之水今松生於楊豈非永久之葉將集危亡之地邪是時張天錫稱雄於涼州尋而降符堅。孝武太元十四年六月建寧郡銅樂縣枯樹斷折忽然自立相屬東房易傳曰棄正作淫厥妖木斷自屬妃后有專木朴音赴反立是時正道多僻其後張夫人專寵及帝崩兆庶歸咎張氏焉。安帝元興三年荆江二州界竹生實如麥

劉曜時西明木內大樹風吹折經一宿樹忽變爲人形髮長一尺鬚眉生三寸皆黃白色有歛手之狀亦有兩脚着裙之形惟無目鼻每夜有聲十日而生柯條遂成大樹枝葉甚茂石勒微時所居武鄉北原山上草木皆有鐵騎之象家園中人參花葉甚茂悉成人狀父老及相者曰此胡狀貌奇異志度非常不可量也

宋孝武帝孝建元年芳香琴堂東西有雙橘連理改芳香堂爲連理堂

魏太武大延元年魏郡野木連理

齊後主武平五年鄴城東青桐樹有如人狀京房傳曰王德衰下人將起則有木生爲人狀時後主怠於政事耽荒酒色大發徭役後二歲而亡木不曲直之效七年宮中有樹大數圍夜半無故自拔齊以木德王無故自拔亡國之應其年齊亡

隋文帝開皇八年四月幽州人家以白楊木懸竈上積十餘年忽生三條皆長三尺餘甚鮮茂仁壽二年春蓋屋人以楊木爲屋梁生三條長二尺京房易傳曰妃后有顓木仆反立斷枯復生獨孤后專恣之應也仁壽元年十月蘭州楊樹上松生高三尺六節

十二枝。宋志曰。松不改柯。易葉。楊者危脆之木。此永久之業。將集危亡之地也。是時帝惑讒言。幽廢冢嫡。初立晉王為皇太子。天戒若曰。皇太子不勝任。永久之業。將致危亡。帝不悟。及帝崩。太子立。是為煬帝。竟以亡國。仁壽四年八月。河間柳樹無故枯落。既而花葉復生。京房易飛候曰。木再榮。國有大喪。是歲官車晏駕。

唐高祖武德四年。亳州老子祠。枯樹復生枝葉。老子。唐祖也。占曰。枯木復生。權臣執政。睦孟以為有受命者。九年三月。順天門樓東柱。已傾毀而自起。占曰。

木仆而自起。國之災。貞觀十八年十月。山南獻木

連理。交錯玲瓏。有同羅木。一丈之幹。并枝者二十餘所。二十年正月。玉華宮李樹連理。隔澗合枝。顯

慶四年八月。有毛桃樹生李。李國姓也。占曰。木生異

實。主國殃。垂拱四年三月。雨桂于台州。旬餘乃

止。占曰。天雨草木人多死。長壽二年十月。萬象神

宮側。檉杉皆變為栢。栢貫四時不改柯。易葉。有士君子之操。檉杉柔脆。小人性也。象小人居君子之位。

延載元年九月。內出梨花一枝。示宰相。萬木搖落而生花。陰陽躓也。傳曰。天反時為災。又近常燠也。景

雲二年。高祖故第有柿樹。自天授中枯死。至是復生。
神龍二年十月。陳州李有華。鮮茂如春。開元二十
一年。蓬州枯楊生李枝有實。與顯慶毛桃生李同。占
二十九年。亳州老子祠枯樹復榮。大曆九年。晉州
神山縣與唐觀枯檜復生。興元元年。春。亳州真源
縣有李樹植已十四年。其長丈有八尺。至是枝忽上
聳。高六尺。周迴如蓋九尺餘。李國姓也。占曰。木生枝
聳。國有寇盜。是歲中書省枯柳復榮。貞元四年。正
月。雨木于陳留。十里許。大如指。長寸餘。中空。所下立
如植木。生于下而自上墮者。上下易位之象。碎而中

空者。小人象如植自立象。元和十一年十二月。桃
李華。十五年九月己酉。大雨。樹無風而摧者十五
六。近木自拔也。占曰。木自拔。國將亂。長慶二年七
月。幽州奏當道有李樹兩根並生。相去七寸。連理去
地二尺。合為一幹。向上一體。外分布枝葉。高一丈三
尺。有實二百二十一顆。長慶三年十一月。成都栗
樹結實。食之如李。太和二年九月。徐州滑州李有
華。實可食。三年。成都李樹有水瓜。空中不實。會
昌三年冬。沁源桃李華。咸通十四年四月。成都李
實變為木瓜。時人以為李。國姓也。變者國奪於人之

象。廣明元年冬桃李華山華皆發。二年春眉州有檀樹已枯倒一夕復生。中和二年九月太原諸山桃杏華有實。

後唐同光二年三月唐州奏淮瀆廣潤王廟有兩樹東西相去七尺五寸各出地七尺五寸兩樹相向連理畫圖以進。

晉開運二年十一月鄧州奏穰縣和平鄉竹合歡畫圖進之。

蜀王建永平二年劍州木連理

宋太平興國六年正月溫州瑞安縣民張度解木五

片皆有天下太平字。雍熙二年八月刑部尚書宋

琪家牡丹生三華。淳化三年冬十月京師太平興

國寺牡丹生華。占曰有喪是歲恭孝太子薨。至道

二年秋九月環慶州梨生華。占曰有兵。明年虜寇朔

方。咸平元年九月河南府鞏縣柴務牡丹華。六

年脩昭應宮有木斷之文如點漆貫徹上下。體若梵

書。八月召近臣觀龍圖閣瑞木有文成字。一有北

斗七星形。一有佛手形。一有蛇形。十一月襄州民

劉七言家生木有文如龍魚鳳鶴之狀。七年五月

撫州修天慶觀解木有文如墨畫雲氣峯巒人物衣

寇之狀。七月。綿州彰明縣崇仙觀柱有文為道士形。及北斗七星象。八年。晉州慶唐觀古栢中別生槐長丈餘。又葛生栢中。分條垂蔓下覆。九年。舒州懷寧縣民家二柳相距三尺許。其枝合如一。資州梅樹與清桐樹上合成連理。太平軍紅橘連理。又黃橘附桑枝而生。瑞聖園楓。一株中分四枝。上復合為一。眉州修天慶觀江中獲巨木數百。咸平二年。三月。宣池欵杭越睦。婺州箭竹生米如稻。詳見穀異門慶曆六年。九月。甲辰。登州有巨木浮海而出者三千餘。八年。九月。甲子。潭州南岳南臺寺瑞應

峯前。一夕雷雨。平地涌水。若龜首足具。高二尺圍一丈。熙寧元年。三月。簡州木連理。是歲英州因雷震一山。梓樹盡枯。而為龍腦。價為之賤。至京師一兩纔直錢一千四百。二年。建州民獲木龍。詳見龍蛇之孽十年。八月。乙巳。惠州言抽木有文曰。王帝萬天下太平。元豐元年。五月。劔州木連理。三年。六月。己未。饒州長山雨木子數畝。狀頭山芋子。味香而辛。土人以為木子。又曰。菩提子。明道中嘗有之。是歲大稔。十二月。唐州泌陽縣甘棠木連理。六年。六月。亳州衛直縣洞霄宮枯槐生枝葉。元祐元年。八月。己丑。

杭州民俞舉慶七世同居家園木連理。五年四月。德州言木連理。元符元年八月。施州李木連理。二年九月眉州眉山縣橙木二株異根同幹本枝相附。崇寧四年正月汝州襄城縣李梨木連理。大觀元年三月。湟州言爛木生葉。八月端州永興軍。並言木連理。二年十月乙巳。兖州襲丘縣檜生花如蓮實。十二月。岢嵐軍園池生瑞木。政和二年七月。玉華殿萬年枝木連理。是月乙酉。南雄州言楓木連理。十月。安州武義縣木根有萬宋年歲四字。四年。建州言木連理。五年五月。禁中芭蕉連理。

六月。辰州沅陵縣江漲流出楠木二十七條可爲明堂梁柱。蔡京等拜表賀。九月丙申。徐州彭城縣栢開花。十二月辛丑。真定府言元氏縣民王寘屋柱槐木再生枝葉約高四十餘尺。是歲邵州海棠木連理。澤州台州槐木連理。荆門軍紫薇木連理。六年。芳苑。洪明夔徐新全隰太平州並言木連理。梅州枯木生枝。宣和二年四月。永州民劉思析薪雨邊各有天下太平字。紹興十四年四月。虔州民毀欵屋析柱木理有字五其文曰天下太平。時安臣薛弼上之時上宇分裂南北塗炭不儷於事。近木妖也。或

曰木之生也在先朝盛時二十年八月福州冲
 虛觀皂筴木翠筴再實二十一年池州建德縣定
 林寺桑生李實栗生桃實占曰木生異實國主殃
 二十五年十月贛州獻太平木如虔時秦檜擅朝喜
 飾太平郡國多土草木之妖以為瑞二十七年四
 川徽州祁門縣圃桃已實復華隆興初漢陽軍有
 插柳枝於石罅者木無根石無土而秀茂成陰歲有
 華實先是郡獄誣服孝婦殺姑當刑祝髻上花以自
 明行刑者如其言而生此冤氣之鍾于木而木反麗
 土之常者也淳熙中興化軍仙游縣九座山古杉

木未生花氣如蘭淳熙十六年三月揚州桑生
 櫻桃生茄此草木互為妖也七月晉陵縣民析薪
 中有木字曰紹熙五年如是者二是時紹熙新元猶
 未頒也而紹熙紀號果止五年此近水妖也紹熙
 四年臨安府富陽縣栗生擒實五年十一月辛亥
 行都雨水與唐志貞元陳留雨水同占水生于下而
 自上墮者將有上下易位之象越月吏部侍郎彭龜
 年上疏論知閣門事韓侂胄姦萌坐絀後侂胄擅朝
 嘉定六年五月己巳嚴州淳安遂安桐廬三縣大木
 自拔占曰木自拔國將亂

草異

春秋僖公三十三年十二月隕霜不殺草李梅實劉歆以為草妖劉向以為今十月周十二月於易五為天位君位九月陰至五通於天位其卦為剝剝落萬物始大殺矣明陰從陽命臣受君令而後殺也今十月隕霜而不能殺草此君誅不行舒緩之應也時公子遂專權三桓始世官其後遂殺子赤三家逐昭公董仲舒指畧同東房易傳曰臣有緩茲謂不順厥異霜不殺也李梅當剝落反實近草妖先華而後實不昔華舉重者也陰成陽事象臣顛君作威福一曰冬

當殺反生象驕臣當誅不行其罰也故冬華華者象臣邪謀有端而不成至於實則成矣一曰君舒緩其與氣不藏則華實復上董仲舒以為李梅實臣下強也記曰不當華而華易大夫不當實而實易相室新

曰相室猶言相國謂宰相也相室相王室冬水王木相故象大臣

漢元帝永光二年八月天雨草而葉相樛結大如彈丸平帝元始元年正月天雨草狀如永光時東房

易傳曰君吝於祿任衰賢去厥妖天雨草

後漢安帝元初三年有瓜異本共生一瓜同蒂時以為嘉瓜或以為瓜者外延離本而實女子外屬之象

也是時閻皇后初立後閻后與外親耿寶等共譖太

子廢為濟陰王更外迎濟北王子犢立之草妖也古

註曰和帝永元七年三月江夏縣民舍柱生兩枝其一長尺五寸分為八枝其一丈尺六寸分為五枝皆

也中平元年夏東郡陳留濟陽長垣濟陰宛句離

狐縣界風俗通曰西及城有草生其莖靡纍腫大如

手指狀似鳩雀龍蛇鳥獸之形五色各如其狀毛羽

頭目足翅皆具風俗通曰亦作人狀操持兵弩萬近

草妖也是歲黃巾賊始起皇后兄何進異父兄朱苗

皆為將軍領兵後苗封濟陽侯進苗遂秉威權持國

柄漢遂微弱自此始焉應劭曰關東義兵先起於宋

恬亂陵蔑同盟忿嫉同類以殞厥命陳留濟陰迎助

謂為離德棄好即戒史氏殲之草妖之興豈不信哉

吳孫亮五鳳元年六月交阯稗草化為稻昔三苗

將亡五穀變種此草妖也其後亮廢孫皓天璽

元年吳郡臨平湖自漢未穢塞是時一夕忽開除

無草長老相傳此湖塞天下亂此湖開天下平吳

尋亡而九服為一天紀三年八月建鄴有鬼目

萊生工黃狗家依緣棗樹長丈餘莖廣四寸厚二

分又有蕝萊生工吳平家高四尺如枇杷形上圓

徑一尺八寸莖廣五寸兩邊生葉綠色東觀案圖

名鬼目作芝草蕝萊作平慮遂以狗為侍芝郎平

為平慮即皆銀印青綬于寶曰明年平吳王濬止
船正得平諸姓名顯然指事之徵也黃狗者吳以
土運承漢故初有黃龍之瑞及其季年而有鬼目
之妖託黃狗之家黃稱不改而貴賤大殊天道精
微之應也

容齋洪氏隨筆曰吳歸命侯天紀三年唐中宗
景龍二年俱有苦蕒菜生之異說者以為草妖
予按蕒菜即苦蕒今俗呼為苦蕒者是也天紀
景龍之事甚相類歸命次年亡國中宗後一年
遇害雖事非此致亦可謂妖矣平慮草不知何

狀楊雄甘泉賦并閭註如淳曰并閭其葉隨時
致致平則平致不平則傾也顏師古曰如氏所
說自是平慮耳然則亦異草也鬼目見爾雅郭
璞云今江東有鬼目草莖似葛葉員而毛如耳
瑞也赤色叢生廣志曰鬼目似梅南人以飲酒
南方草木狀曰鬼目樹大者如木子小者如鴨
子七月八月熟色黃味酸以蜜煮之滋味柔嘉
交趾諸郡有之交州記曰高大如木瓜而小傾
邪不周正本草曰鬼目一名東方宿一名連蟲
陸名羊蹄

晉惠帝元康二年二月巴西郡界草皆生花結子如麥可食時帝初卽位楚王瑋矯詔誅汝南王亮及太保衛瓘帝不能察今非時草結實此恒燠寬舒之罰安帝義熙二年九月揚武將軍營士陳蓋家有苦蕒菜莖高四尺六寸廣三尺二寸厚三寸亦草妖也此始與吳終同象識者以爲苦蕒者買勤苦也自後歲歲征討百姓勞苦是買苦也十餘年中姚泓烏宋滅反兵始戢是苦蕒之應也

義熙中宮城上及御道左右皆生蒺藜亦草妖也蒺藜有刺不可踐而行生官牆及馳道天戒若曰人君不聽政雖有宮室馳道若空廢也故生蒺藜

宋明帝泰始四年春正月丙辰朔雨草于宮

陳後主末年臨平湖草久塞忽然自通

魏太武太延元年有嘉瓜合蒂生于中山

隋高祖時上黨有人宅後每夜有人呼聲求之不得去宅一里所但見人參一本枝葉峻茂因掘去之其根五尺餘具體人狀呼聲遽絕蓋草妖也視不明之咎時晉王陰有奪宗之計高祖不悟聽邪言廢無罪因此而亂也

唐武德四年益州獻芝草如人狀占曰王德將衰下

人將起則有木生爲人狀。草亦木類也。景龍二年。岐州郿縣民王上賓家有苦蕒菜高三尺餘。上廣尺餘。厚二分。近草妖也。三年。內出蒜條。上重生蒜。蒜惡草也。重生者其類衆也。四年。京畿藍田山竹實如麥。占曰。大饑。開元二年。終南山竹有華。實如麥。嶺南亦然。竹並枯死。是歲大饑。民採食之。占曰。竹栢枯。不出三年有喪。十七年。睦州竹實。元和十三年。八月。鹽鐵使奏。郾城上蔡等縣生菽藿草。引蔓結實味甘。人賴爲食。太和九年。冬。鄭注金帶有菌生。近草妖也。開成四年。六月。襄州山竹有實成米。民

採之。光啟元年。七月。河中解永樂生草葉。自相膠結。如旌旗之狀。人以爲旗子草。二年。七月。鳳翔麟游草生如旗狀。占曰。其野有兵。

宋乾德四年。渭州范裕獻嘉蓮。一莖二花。符瑞志所載雙頭花甚多不悉書太平興國七年。八月。知易州白繼贊獻合歡

瓜。知河南府焦繼獻合歡牡丹花。太中祥符四年。四月。江陵府刑部郎中袁煒家圃。芍藥雙華並萼。

符瑞志所載蓮牡丹芍藥甘瓜雙生者甚多不悉錄各據其一以備異聞也咸平二年。知黃州張鑑獻瑞草二本。九月。鄂州武昌縣生異

草如栢。色瑩白。枝葉傳地如繡。淳化三年。知開州

趙得忠獻忘憂草圖。花萼相重而生。咸平二年。閏三月。宣池欽杭越睦衢婺州。箭竹生米如稻。時民饑採之充食。太中祥符三年。四月。京師竹有華。占主歲不登。天禧元年。四月。邵州邵陽縣。竹上生穗如米。居民饑乏食。采食之。又饒州浮梁縣。山竹生穗如米。慶曆元年。二月。丙午。京師雨藥。熙寧六年。十二月。徐州滕縣。官舍生異草。經月不腐。元豐二年。六月。忠州雨豆。元豐間。眉州梓州處州俱生瑞竹。元祐三年。六月。忠州臨江縣。雨白黍。又雨黑黍。大觀元年。廬州雨大豆。政和四年。八月。建州言境內

竹生米數千萬石。五年。十一月。癸酉。越州言承天寺瑞竹。一竿七枝。枝幹相似。其葉圓細。生花結實。紹興十六年。正月。辛未。瀘州雨豆。豆生於地。白天而下。近草妖也。二十一年。饒州鄱陽縣石門。民家籬竹生重萼牡丹。又民家竈鼎生金色蓮花。萬州虔州汀州俱有蓮同蒂異萼。

穀異 野穀 竹米

周唐叔得禾。異畝同穎。唐叔於其食邑內得異禾畝。龍穎穗也。禾各生一壘而合。為一穗。獻諸天子。王命唐叔歸周公于東。異畝同穎。故異也。周公既得命禾。未還。故命唐叔以禾歸周公。

旅天子之命

旅陳也陳成王歸禾之命而推美成王善則稱君

作嘉禾漢哀

帝建平元年光武生於濟陽縣舍時皇考南頓君為

縣令是歲縣界有嘉禾生一莖九穗因名光武曰秀

漢光武建武三年野穀旅生

旅寄也不因播種而生故曰旅今字書作穰音

呂古字通

麻菽尤甚被於山阜人收其利焉

明帝永平

十一年嘉禾生安帝延光二年九真言嘉禾生

東觀

記曰禾一日五十六本七百六十八穗

桓帝建和二年嘉禾生大司農

帑藏

魏陳留王咸熙元年安彌福祿縣各言嘉禾生

吳孫權黃龍三年由拳野稻自生改為禾興縣會

稽南始平言嘉禾生赤烏七年宛陵言嘉禾生

孫亮時交趾稗草化為稻

詳見草異門

晉惠帝元康二年竹結實如麥

又有草結實門麥俱見草妖如

安帝

元興三年荆江二州界竹結實如麥

宋孝武帝孝建二年清景殿西薨鷄尾中央生嘉禾

一株五莖乃以清景殿為嘉禾殿

梁武帝中大同三年秋吳興生野稻饑者利焉

魏太武太延元年嘉禾合秀於恒農

唐開元二年竹結實如麥十九年四月揚州奏穰

生稻二百一十五頃再熟稻一千八百頃其粒與常

稻無異。元和七年十一月梓州上言龍川界嘉禾

生。開成四年六月襄州竹成實如米。太和二年

福建進瑞粟一十莖。大中二年七月福建觀察使

殷儼進十莖。莖有五六穗。六年九月淮南節度使

杜悰奏海陵高郵兩縣百姓於官河中漉得異米煮

食呼為聖米。天祐元年七月河南府奏穀水村內

嘉禾合穗

後唐天成四年七月遂州進嘉禾一莖九穗

蜀王建武定二年廣都嘉禾合穗

宋乾德二年十月眉州獻禾生九穗圖。四年六月

果州南充縣民何約田禾一莖十三穗一莖十一穗

七月又生一莖九穗。開寶八年八月嘉州解有禾

一莖十四穗庭中河中府寶鼎縣民張知友田禾隔

四壠相去二尺許合穗。太平興國三年懷安軍金

水縣民田禾一莖三十六穗。六年召近臣觀嘉穀

于後苑有七穗至四十八穗者。七年八月府州府

谷縣民劉善田禾隔三壠合成一穗。遼州平城縣民

田禾隔二壠至五壠合穗有十三本或二十一莖合

為一者。天禧元年竹成米見草異門五年四月襄州

襄陽縣民田穀穠生成實。乾德四年澶州濮陽縣

民李溫田麥兩歧三歧四歧各五十本五歧二十本
 六歧五本。淳化五年亳州永城縣麥一莖三穗四
 歧同幹者三十本。咸平二年竹生米。見草異門景德
 二年梓州麥五歧。大中祥符四年五月唐汝廬宿
 楚泗濠州民田麥自生。六月壽州六安縣民田穰
 生麥八十餘頃。天禧五年四月襄州營田務麥自
 生者四頃餘。太平興國四年八月宿州符離縣渾
 湖穰生稻民采食之味如麵謂之聖米。淳化五年
 温州靜光院有稻穰生石罅九穗皆實。大中祥符
 三年二月江陵公安縣民田獲穰生稻四百斛。至

道二年四月福州福清縣解雨黃黑豆又長樂太平
 二鄉雨黑豆皆堅實異常。太中祥符六年二月泰
 州管內四縣生聖米大如芡實。九年慶州安化縣
 民王景溫田秫一糶二米

右三朝瑞符志載自乾德以來至天禧郡縣
 所上嘉禾異麥野穀之屬殆不勝書姑摭其
 尤異者一二著于此

天聖元年六月蘇秀二州湖田生聖米飢民取之以
 食。興州竹有實如大麥民取以食占曰大飢。慶
 曆七年渠州言石照等五縣野穀穰生民飢之候也

熙寧三年安州麥一本三穗至五穗凡十四莖深州
麥秀兩歧或三四穗凡四十畝四年徐州麥一本
百七十二穗八年杭州鹽官縣自三月地產物如
珠可食水產菜如菌可爲菹飢民賴之定州安喜縣
禾二本間五壠合穗成德軍平山縣禾合穗者二保
州保塞縣禾七本間一壠或兩壠合穗九年渠州
流江縣禾一苗九穗元豐元年武康軍禾一莖十
一穗二年袁州禾一莖八穗至十一穗皆層出長
者尺餘洪州六縣稻已獲再生皆實元祐三年劍
州安國軍麥秀兩歧夔州苗十二穗潤州丹陽縣

麥一本五穗四年嘉州峨眉縣禾異畝同穎又禾
登一百五十三穗五年汀州禾生三十六穗六
年南劍粟一本三十九穗紹聖元年淮南軍禾一
本九穗五年淮西路民田旣刈復生實政和二
年知定州梁子野奏嘉禾合穗一科相隔五壠計六
尺三寸生爲一穗并中間壟內一科三莖上生粟三
穗蔡州麥一莖兩歧至七八歧者近約十畝遠或連
野台州進寧海縣旱禾一稔二米者凡五石時方
修明堂遂叶典禮詔拜表稱賀

右四朝志載自熙寧以後至于宣政禾同隸

麥兩歧之事尤多不及悉書

芝草 朱草

漢武帝元封二年甘泉宮內中產芝草九莖連葉

圖王者敬事耆老不失故舊則芝草生內中謂後庭之室也

宣帝神爵元年金芝九莖產于幽德殿銅池中

金也銅池承雷也以銅為之兩與合同

後漢光武中元元年夏京師醴泉湧出又有赤草生

於水崖赤草朱木也大戴禮曰日以後生一葉至十五日以落日落一葉周而復始明

帝永平十七年芝草生殿前章帝建初四年零陵

獻芝草五年零陵獻芝草桓帝建和元年芝草

生中黃藏府中黃藏府掌中幣常金銀諸貨物

靈帝光和四年二

月郡國土芝英草

唐武德四年益州獻芝草如人狀占見草異門貞觀十

七年九月皇太子寢室中產素芝十四莖並為龍鳳

之形天寶初臨川郡人李嘉胤屋柱生芝草狀如

天尊像上元二年七月甲辰延英殿御坐上白芝

一莖三花白喪象也貞元十二年七月東都留守

奏苑内生芝草一株長慶元年七月壽昌殿內槽

柱上產玉芝一莖長九尺

後唐同光二年九月萊州奏即墨縣人李夢徵室內

柱上生芝草兩本。畫圖以進。長興三年十月。萊州奏卽墨縣人王友家生芝草一本三枝分兩歧。或三歧。上漸相向。成片而圓。色紫葉莖一色。其表白。高尺餘。上命官中舊進芝草四本色莖皆同

周顯德元年。河陽奏汜水縣民家生紫芝數莖。進南漢劉鋹時芝菌生宮中。

宋建龍二年七月。亳州獻芝一株。開寶七年。陳州獻芝一本四十九莖。太平興國四年。華山道士丁少微獻彤芝黝芝各一筍。五年。真定府行宮殿梁生芝草如荷葉。八年十一月。歙州婺源縣民王化

於王陵山石上得紫芝一本叢生五莖。咸平四年。濰州獻芝草一本如佛狀。六年。永康軍導江縣民蒲矩田生芝一莖二層。黃紫色高五寸許。九月。相州牧龍坊生芝一莖。色紫黃。長尺餘。分七枝。枝皆如手五指狀。其最上枝類鳳首。大中祥符元年。東封遣官祭文宣於孔林。得芝五株。色黃紫如雲氣。及人戴冠幘之象。詔遣內侍祭謝。復得芝四本。輕黃如雲氣之狀。東封經度制置使王欽若言。親獲芝十一本。又州民所得二十六本。且言泰山日生靈草。軍民競採。請量給緡錢絹帛。從之。欽若來朝。獻芝草八千一

百三十九本。有貫草木附石連理。及飾爲寶山者。九月。趙安仁來朝。獻五色金玉丹紫芝八千七百十一本。十月。泰山芝草再生者甚衆。辛丑。車駕泛鄆州。知州馬元方獻芝草五本。甲辰。欽若等又獻泰山芝草三萬八千二百五十本。有並五並三連理五色重暈。如意寶蓋。上下相連帶瓦石草木五穀。如寶山神仙靈禽瑞獸之象者。六百四十二。詔令封禪日。列天書送諸路名山勝境。及賜宰相。是月復州獻芝草三本。類神仙佛像。河中府酒厨榻上生芝一本。十二葉。其色如玉。六年。奉祀經度。制置使丁謂至亳州真源。

縣太清宮道士瀨陽鄉民繼獲芝草八十一本。以獻。已丑。又獲二百五十本。有一本三莖。一莖三蓋。如雲氣佛像者。九月。又得應天府宋城縣所獲芝五十本。獻之。十一月。謂來朝。獻芝草三萬七千一百八本。飾以仙人寶山靈禽異獸之狀。十二月。獻九萬五千一百本。明年。車駕至真源縣。置二百輿。前導民有詣行闕獻者。又一萬八千本。

按三朝符瑞志載天禧以前草木之瑞。史不絕書。而芝草尤多。然多出於大中祥符以後。東封西祀之時。王欽若丁謂之徒。以此導諛。

且動以萬本計則何足瑞哉。姑存其畧云。

熙寧四年。至元豐八年。天下言芝草凡三十七。建中靖國元年。至宣和靖康。天下言芝草尤多。政和二年。二月戊午。河南府新安縣蟾蜍背生芝草。自是而後祥瑞日聞。玉芝產禁中。殆無虛歲。凡殿宇園苑及妃嬪位皆有之。外則中書尚書二省。太學醫學亦產紫芝。五年。八月甲子。蘄州嘗進一萬二千六百枝。內一枝紫色九幹。十二月己未。汝州至進六萬本。其間連理雙枝者一千八百八十。有司不勝其紀。初猶表賀。後以爲常。不皆賀也。時朱勝非爲京東提舉。

學事行部至密州界。見縣令部數百夫入山採芝。彌漫山谷。皆芝菌也。或附水石。或出平地。有一本數十葉。層疊高大。衆色咸備。郡守李文仲採及三十萬本。每萬本作一綱入貢。文仲尋進識。除本道轉運使云。建炎二年。九月癸卯。密州獻芝草五葉。如人指掌。色赤而澤。郤之。東漢書以草生如手指。爲東威權持國柄。蓋黃潛善。汪伯彥。誤國脅上之應也。十八年。梅州學廟生芝草。二十一年。紹興府府學御書閣下生芝。二十五年。五月。太室楹生芝九莖。宰臣秦檜帥百官觀之。稱賀自檜旣相。和讐罷兵。文飾太平。天

下競以草木之妖獻瑞。慶元五年八月太室西北夾室楹生白芝四葉唐書以白芝為喪祥明年八月國連有大喪。嘉泰二年十一月祕書省右文殿楹生芝二莖

青青青祥

五行志以鼠妖為青青今削之自有專門

後漢桓帝永興二年四月丙午光祿勳吏舍壁下夜有青氣視之得玉鉤玦各一鉤長七寸二分周五寸西分身中皆雕鏤此青祥也玉金類也七寸二分商數也五寸四分徵數也商為臣徵為事蓋為人臣引

決事者不肅將有禍也時梁冀秉政專恣後四歲誅

滅。靈帝光和元年七月有青虹見御坐玉堂後殿

庭中晉武。物異考

晉武帝咸寧元年八月丁酉大風拆大社樹有青氣出焉此青祥也占曰東莞當有帝者明年元帝生是時帝太父武王封東莞由是徙封琅邪孫盛以為中興之衰晉室之亂武帝子孫無孑遺社樹拆之應又恒風之罰

唐貞觀十七年四月立晉王為太子有青氣遶東宮殿始册命而有禳不祥十八年六月壬戌有青黑氣

廣六尺貫于辰戌其長亘天。太和九年鄭注篋中藥化為繩數萬飛去注始以藥術進化為繩敗死之象近青青也。乾元三年六月昏西北有青氣三。

出書山青羊山古曰東華言首帝昔與羊示帝主具晉為帝始寧衣羊八民丁酉大風林大坑樹青泉與中晉為之得玉鉤玦各一鉤長七寸二分周五寸刻分靈帝光味衣羊十民育青地良喻坐王堂發與突事皆不蕭雜百師也報采冀乘刃專恣發四歲若

文獻通考卷之三百

鄱陽馬端臨貴與著

物異考

金異

周威烈王二十三年九鼎震。顯王三年雨金于櫟陽。赧王五十九年周亡秦昭王取九鼎其一飛入泗水餘八入于秦中。

漢武帝元鼎元年夏五月得鼎汾水上。四年六月得寶鼎。元封元年昭曰朕禮首山昆田出珍物化或為黃金。應劭曰昆曰首山之下田也武帝時首山故神為出珍物化為黃金。征和

二年春。涿郡鐵官鑄鐵。鐵銷皆飛去。此火為變。使之然也。其三月。涿郡太守劉屈釐為丞相。後坐祝詛腰斬。成帝河平二年正月。沛郡鐵官鑄鐵。鐵不下。隆隆如雷聲。又如鼓音。工十三人驚走。音止。還視地。地陷數尺。鑪分為十一。鑪中銷鐵。散如流星皆上去。與征和二年同象。其夏帝舅五人封列侯。元舅王鳳擅政。譖殺丞相王商。京兆尹王章。許后坐廢。趙飛燕為后。賊害皇子。成帝亡嗣。一曰。鐵飛屬金不從革。按鑄鐵而鐵不成。正金不從革之異也。而西漢五行志以為火不炎上。誤矣。金並革而正之。

後漢明帝永平六年二月。王維山出寶鼎。廬江太守獻之。詔以初祭之日。陳鼎于廟以備器用。賜三公以下帛有差。十一年。灤湖出黃金。廬江太守以獻。

廬州合肥縣

章帝建初七年。幸槐里岐山。得銅器。形似

酒樽。獻之。魏明帝青龍中。盛修宮室。西取長安金狄。永露槃。槃折聲聞數十里。金狄泣。於是因留霸城。此金失其性而為異也。

吳孫權赤烏十三年。寶鼎出臨平湖。孫休永安

三年。得大鼎于建德縣。

晉惠帝元康三年閏二月殿前六鍾皆出涕五刻止前年賈后殺楊太后於金墉城而賈后爲惡不止故鍾出涕猶傷之也永興元年成都伐長沙每夜戈戟鋒有火光如懸燭此輕人命好攻戰金失其性而爲光變也天戒若曰兵猶火也不戢將自焚成都不悟終以敗亡懷帝永嘉元年項城有魏豫州刺史賈逵石碑生金可採此金不從革而爲變也五月汲冢作亂郡寇颺起清河王覃爲世子時所佩金鈴忽生起如粟者康王母疑不祥毀棄之及後爲惠帝太子不終于位卒爲司馬越所殺

程氏演繁露曰晉語云墓碑生金庾氏大忌初不曉生金爲何等語按吳淑事類賦引魏志曰繁昌縣傳禪碑中生金表送上羣臣盡賀王隱晉書曰永嘉中陳國項縣賈逵石碑中生金人盜鑿取以賣賣已復生此江東之瑞也其曰瑞者晉爲金行故金生爲祥元帝中興其應也据此而言則碑中誠生黃金矣亦異事哉

元帝永昌元年甘卓將襲王敦旣而中止及還家多變怪照鏡不見其頭此金失其性而爲妖也尋爲敦所襲遂夷滅石季龍時鄴城鳳陳門上金鳳凰二

頭飛入漳河。海百太和會稽山陰縣起倉。鑿地得兩大船滿中錢。錢皆輪文大形。時日向暮。鑿者馳以告官。官夜遣防守甚嚴。至明日失錢所在。惟有船存。視其狀。悉有錢處。宋帝義熙初。東陽太守殷仲文。照鏡不見其頭。尋亦誅翦。占與甘卓同也。陳後主禎明二年。五月。東治鐵鑄。有物赤色大如斗。自天墜鎔所。隆隆有聲。鐵飛破屋而四散。燒人家。有治者。陳人鑄兵之所。鐵飛為變者。金不從革之應。天戒若曰。陳國小兵弱云。其後卒亡。隋堯君素守蒲州。兵器夜有光如火。火礫金。金所畏。

世則亡之象

劉武周據并州。兵勢甚盛。城上稍亦夜。每有火光。唐垂拱三年。七月。魏州地出鐵如船數十丈。廣州雨金。金位正秋。為刑為兵。占曰。人君多殺無辜。一年兵災于朝。神龍初。東都白馬寺。鐵像頭無故自落於殿門外。天寶十年。六月。大同殿前鐘自鳴。占曰。庶雄為亂。宰臣李適之常列鼎具饕羞。中夜鼎躍出。相鬪不解。鼎耳及足皆折。乾元二年。七月。渾天儀有液如汗下流。元和中。翰林院有鈴。夜中文書入。則引之以代傳呼。長慶中。河北用兵。鈴輒自鳴。與軍中

息耗相應聲急則軍事急聲緩則軍事緩。光化四年冬武德殿前鐘聲忽嘶。夏天復元年九月聲又變小。

後唐天成中偽漢欽州羅浮山民掘得古劍有篆文曰巳與水同宮。王將耳口同尹來居口上。山岫護重。重以獻偽王劉陟。國人莫之辨。及平廣南競傳其言。知者云太宗以巳亥年降誕是巳水同官也。於文耳口王為聖尹口為君。重山為出。蓋巳亥年聖君出也。晉開運三年六月登州文登縣地內湧出金銅佛像四。

漢乾祐元年三月。中書厨釜鳴者七。

是月宰相李穀罷免勒歸私第。

宋建隆二年七月。晉江神山縣北谷中有鐵隨水流出。方二丈三尺。其重七十斤。至道二年二月。桂陽監鎔銀。自涌成山峯狀。咸平四年十二月。亳州太清宮鐘自鳴。大中祥符六年九月。臨江軍清江縣民李公邁。至雲騰廟前。過遇小童。贈塊土。還家剖之。得天尊人主像五軀。慶曆四年五月乙亥。撫州金谿縣得生金山。重三百二十四兩。政和五年正月。湖南提舉常平劉欽言。蘆荻衝出生金。重九斤八兩。狀類靈芝祥雲。又淘得碎金四百七兩有奇。十一

月。越州言民戶拾生金。湟州丁羊谷金坑僅千餘
眼得鑛成金共四等計一百三十四兩有奇。崇寧
四年三月鑄九鼎用金甚厚取九州水土內鼎中既
奉安於九成宮車駕臨幸禰禮焉。至北方之寶鼎忽
涌水溢于外。劉炳謬曰正北在燕山今寶鼎但取水
土於雒州境宜不可用其後竟以北方致亂。建炎
三年吉州修城役夫得髑顱棄之水中俄浮一鐘有
銘七十六字。大畧云唐興元吾子歿瘞廬陵西壘後
當火德五九之際世衰道敗浙梁相繼喪亂章貢康
昌之日吾亦復出是邦東平鳩工復使吾子同河伯
聽命水伯時郡守命錄之僅錄畢而鐘自碎近金爲
變怪也。紹興十一年王管城都等路茶事馮康國
言三月庚申金虜居長安兵刃皆生火光天變豈直
示虜亦示。國家以恢疆之圖皆與晉志永興初成
都伐長沙戈戟火光及唐志劉武周稍亦火光同占
輕人命好攻戰金失其性爲光恠也。兵猶火也弗戢
自焚敗亡象也。二十六年七月辛酉夜天雨水銀
與唐志貞觀廣州雨金同占金位正秋爲刑爲兵占
曰人君多殺無辜一年災于朝。是歲成都郫縣地
出銅馬高三尺工制甚精中宵風雨輒聞嘶聲。紹

興中秦檜別墅農夫耕鑿得金壅重二十四鈞。慶
元二年正月泰寧縣耕夫得鏡厚三寸徑一尺二寸
照水徹底對日爭輝病熱者鑑之心骨生寒後為雷
震而碎。十二月吳縣金鷺鄉銅錢百萬自飛漢書
陰盛陽微金鐵為飛

玉石之異

春秋昭公八年春石言於晉晉平公問師曠對曰石
不能言神或馮焉作事不時怨譟動於民則有非言
之物而言於是晉侯方築虎祁之宮。虎祁地在絳西臨涑水劉
歆以為金石同類是為金不從革失其性也劉向以

為石白色為主屬白祥。昭公二十四年王子朝以

成周之寶湛於河津人得之河上陰不佞取將賣之

則為化石。詳見白祥門

漢孝昭元鳳三年泰山有大石起立。詳見白祥門

成帝鴻嘉三年五月乙亥天水冀南山大石鳴聲隆

隆如雷有頃止聞平襄二百四十里埜鷄皆鳴石長

丈三尺廣厚畧等旁著岸脅去地二百餘丈民俗名

曰石鼓石鼓鳴有兵是歲廣漢鉗子謀。鉗子謂鉗徒牢重囚起

攻牢篡死囚鄭躬等盜庫兵劫畧吏民後四年尉氏

樊並等謀反殺陳留太守山陽亡徒蘇冷等黨與約

數百人盜庫兵。經歷郡國四十餘，皆踰年乃伏誅。時起昌陵，作者數萬人，徙吏民作治，五年不成。與晉石言同，應師曠所謂民力彫盡。傳云：輕百姓者是也。

魏明帝青龍元年，張掖柳谷口水溢，涌寶石負圖狀。象靈龜立于川西，有石馬七，及鳳麒麟白虎犧牛瓊玦八卦列宿字，彗之象。又有文曰：大討曹。此晉之符命而於魏為妖。好攻戰，輕百姓，飾城郭，侵邊境，魏氏三祖皆有其事。石圖發於非常之文，此不從革之異。晉定大業，多斃曹氏，石瑞文大討曹之應也。

吳孫亮五鳳二年，陽羨離里山大石自立。孫皓

天璽元年，鄱陽言歷陽山石文理成字，凡二十二云。

楚九州渚吳九州都揚州士作天子四世治太平

始江左傳曰：歷陽縣有石山，臨水高百丈，其三十丈，所有土穿駢羅，穿中色黃赤，不與本體相似。俗相傳謂之石印，又云石印封發，天下當太平。有祠屋，巫祝言石印神，有三印，時歷陽長表上言石印發，皓遣使以太牢祭，歷山巫言石印三，即說天下方太平，使者作高梯上看印文，詐以未書石作二十字，還以啟皓，皓大喜曰：吳當為九州，作都渚乎？從大皇帝逮孤四世矣。太平之主非孤，復誰重遣使以印綬拜三郎為王，又刻石立銘，褒贊靈德，以荅休祥。又吳興陽羨山有

空石長十餘丈，名曰石室，在所長為大瑞，乃遣兼司徒董朝兼太常周處至陽羨縣封禪國山。明年改元大赦，以協石文。

晉惠帝永平五年有石生於京師宜年里。永康元

年襄陽得鳴石丹陽湖有浮石。真定獲玉馬。詳並見白

門祥元帝初渡江有玉冊見於臨安白玉麒麟神璽

出於江寧其文曰長壽萬年皆以為中興之驗焉。

愍帝建興五年石言于平陽時帝蒙塵亦在平陽故

有非言之物而言效之大者俄而帝遇害

劉曜時終南山崩長安人劉終於崩所得白玉方

一尺有文字曰皇亡皇亡敗趙昌井水竭構五梁。

罅。五各反西小衰困囂喪嗚呼嗚呼赤牛奮鞞。直引反

其盡乎時羣下咸賀以為勒滅之徵曜太悅齋七

日而後受之於太廟大赦境內以終為奉瑞大夫

中書監劉均進曰臣聞國主山川故山崩川端君

為之不舉終南京師之鎮國之所瞻無故而崩其

凶焉可極言昔三代之季其災也如是今朝臣皆

言祥瑞臣獨言非誠上忤聖旨下違眾議然臣不

達大理竊所未同何則玉之於山石也猶君之於

臣下山崩石壞象國傾人亂皇亡皇亡敗趙昌者

此言皇室將為趙所敗趙因之而昌今大趙都於

秦雍而勒跨為趙之地趙昌之應當在石勒不在

我也井水竭構五梁者井謂東井秦之分也五謂

五車梁謂大梁五車大梁趙之分也此言秦將竭滅以構成趙也。𠮟者歲之次名作𠮟也。言歲馭作𠮟。酉之年當有敗軍殺將之事。困謂困敦。丁回歲反。在子之名。玄𠮟亦在子之次。言歲馭于子。國當喪亡。赤牛奮鞞謂赤奮若在丑之歲名也。牛謂牽牛。東北維之宿丑之分也。言歲在於丑當滅亡。盡無復遺也。此其誠悟。蒸欲陛下勤修德化以禳之。石虎時青州言濟南平陵城北石虎一夜中忽移在城東南善石溝上有狼狐千餘迹隨之跡皆成路。虎大悅曰石虎者朕也。自北而南者天意將使

朕平蕩江南也。其勅諸州兵明年朕當親董六軍以副成路之祥。羣臣皆賀。又有石燃于泰山。八日而滅。東海有大石自立。旁有血流。鄴西山石間血流。血長十餘步。廣二尺餘。

慕容雋既僭位。初石虎使人探策於華山。得玉版文曰。歲在申酉不絕。如綫歲在壬子。真人乃見。及此燕人咸以為雋之應也。又常山大樹自援根下得壁七十珪七十。三光色精奇。有異常玉雋以為岳神之命。遣其尚書段勤以太牢祠之。

梁武帝中大同元年春。曲阿縣建陵隧口石辟邪起。

舞

齊高祖受禪之日。滎陽郡人尹千於嵩山東南隅見天甫石墜地。石開有玉璽在其中。璽方三寸。文曰戊丁之人與道俱。肅然入草。應天符。掃平河洛。清魏都。又曰皇帝運興。千奉璽以獻。案宋武帝於嵩高山得玉壁三十二枚。神人云。此是宋分世之數。三十二年。二三十也。宋自受命至禪齊。凡六十年云。

後齊武成清河四年。殿上石自起。兩兩相對。

唐貞觀十七年八月。涼州昌松縣鴻池谷有石五。青質白文。成字曰高皇海出多子。李元王八十年。太平

太子李世民。千年太子李治書。燕山人土樂太國主尚汪譚。獎文仁。邁千古大王五王六王七王十鳳毛。才子七佛八菩薩。及上果佛田。天子文武貞觀昌大聖延四方。上不至示孝仙。戈八爲善。太宗遣使祭之。曰大有成命。表瑞貞石。文字照然。曆數惟永。旣旌高廟之業。又錫眇身之祚。迨于皇太子治。亦降貞符。具紀姓氏。甫爲寡薄。彌增寅懼。昔魏以上德代漢。涼州石有文石金類。以五勝推之。故時人謂爲魏氏之妖。而晉室之瑞。唐亦土德王。石有文事。頗相類。然其文初不可曉。而後人因推已事以驗之。蓋武氏革命。自

以爲金德王。其佛菩薩者。慈氏金輪之號也。樂太國
主則鎮國太平公主。安樂公主。皆以女亂國。其五王
六王七王者。唐世十八之數。開元二十三年。十二
月。巳巳龍池聖德頌石自鳴。其音清遠如鍾磬。近石
言也。至德二年。昭陵石馬汗出。昔周武帝克晉州。
齊有石像。汗流濕地。此其類也。上元二年。楚州獻
寶玉十三。曰玄黃天符。形如笏。長八寸。有孔。云辟兵
疫。曰玉鷄毛。白玉也。曰穀壁。亦白玉也。粟粒自然無
雕鑄迹。曰西王母白環二。曰如意寶珠。大如鷄卵。曰
紅靺鞨。大如巨栗。曰瑯玕珠二。形如玉環。四分缺一。
曰玉印。大如斗。手埋如鹿。陷入印中。曰皇后採桑。銅
如著屈。其末曰雷公石。斧無孔。其一闕。凡十三。置之
日中。白氣連天。元和中。文水武士護碑。失其龜頭。
太和三年。南蠻圍成都。毀玉晨殿石爲礮。有吼聲三
乃止。四年。浙西觀察使王蟠治潤州。城隍中得方
石。有刻文曰。山有石。石有玉。玉有瑕。瑕卽休。廣明
元年。華岳廟玄宗御製碑。隱隱然有聲聞數里間。淡
旬乃止。近石言也。

南漢劉鋹時。宮中井旁石自立。行百餘步而仆。

宋太平興國四年。九月。嘉州夾江縣民王詣得江石。

二皆黝質丹文隱起成字。一曰君王萬歲。一曰趙二十一年帝。三年四月華州言秦嶺南石洞自開遣吏馬文則秉炬視之入數十步得丹砂千二百粒獸形石六以獻。五年五月鄭州脩東岳祠穿土得玉杵白。七年六月深州陸澤縣民王緒田中得白兔逐入穴掘之得石佛五十軀皆長尺餘。天禧三年正月晦潁州沈丘縣民駱新田間震雷頃之隕石三入地七尺許。大中祥符五年四月慈州民飢鄉寧縣山生石脂如麵可爲餅餌。政和二年元圭始出晉州上一石綠色方三尺餘當中有文曰堯天正其字

如掌大而端楷類手畫者堯字居右天正字綴行如左。都堂驗視襲石三分而字畫愈明。又於堯字之下隱約出一瑞字。位置始均。蓋曰天正堯瑞云。或謂晉陽堯都也。方元圭出乃有此瑞。殆宣和內禪之祥。政和三四年府畿汝蔡之間連山大小石皆變爲瑪瑙尚方取爲寶器玩甚富。宣和四年後御府所藏往往復變爲石而色類白骨。此與周寶圭占畧同。五年鄭州滎陽縣賈谷山麒麟谷採石修明堂得一石有文曰明百官表賀。七年二月丙戌張杲言北岳廟於廟側二十里黃山獲石柱十六條修短闊狹

皆應營造法式用建正門毫釐不差。建炎三年四月鼎州桃源洞大水巨石隨流而下石間成文或識者三十二字其文曰無為大道天知人情無為寃冥神見人形心言意語鬼聞人聲犯禁滿盈地收人魂。吳唐志貞觀中鴻池谷石文同占。紹興元年潭州得白玉于州城蓮池中孔彥舟以獻于朝詔却之。漢志以為玉變近白祥與石怪同占後彥舟為劇盜。乾道二年三月丙午夜福清縣石竹山大石自移聲如雷石方可九丈所過成蹊纔四尺而山之草木如故。慶元二年六月辛未黃巖縣大石自隕雷雨甚。

至山水湧出

白青白祥

天用毛地生毛

春秋左傳昭公二十四年十月癸酉王子鼃以成周之寶圭湛于河。以祭河也幾以獲神之助。甲戌津人得之河上陰不佞取將賣之則為石。時王子鼃篡天子位萬民不鄉號令不從故有玉變近白祥也。癸酉入而甲戌出神不享之驗云。玉化為石貴將為賤也。後二年子鼃奔走而死。

秦始皇二十六年鄭容遇江神持璧言祖龍死事。詳見人與周子鼃相應是歲石隕東郡民或刻其石曰始

皇死而地分。此皆白祥。炆陽暴雲。號令不從。孤獨治。羣陰不附之所致。其歲始皇死。後三年秦滅。

漢孝昭元鳳三年正月。泰山萊蕪山南。匈匈有數千人聲。民視之有大石自立。高丈五尺。大四十八圍。入地深八尺。三石爲足。石立處有白鳥數千。集其旁。眚孟以爲石陰類。下民象。太山岱宗之岳。王者易姓告代之處。當有庶人爲天子者。孟坐伏誅。京房易傳曰。復崩來無咎。復卦之辭。今易作朋來。自上下者爲崩。厥應泰山之石顛而下。顛。墜也。聖人受命。人君虜。又曰。石立如人。庶士爲天下雄。立于山同姓。平地異姓。立于水。聖人

於澤小人。天漢元年三月。天雨白毛。三年八月。

雨白髦。髦。毛之強曲者。音力之反。京房易傳曰。前樂後憂。厥效天

雨羽。又曰。邪人進賢人逃。天雨毛。

吳孫亮五鳳二年五月。陽羨縣離里山。大石自立。案京房易傳曰。庶士爲天子之祥也。其說曰。立石於山同姓。平地異姓。于寶以爲孫皓承廢故之家。得位其應也。或曰。孫休見立之祥也。

晉武帝太康十年。洛陽宮西宜秋里。石生地中。始高三尺。如香爐形。後如偃。於武人。繁薄不可掘按。劉向

說此白青也。明年官車晏駕。王室始騷。卒以亂亡。京

房易傳曰石立如人庶士為天下雄此近之矣 惠
 帝元康五年十二月有石生於宜年里 永康元年
 襄陽郡上言得鳴石撞宅江反之聲聞七八里 太安
 元年丹陽湖熟縣夏架湖有大石浮二百步而登岸
 民驚噪蘇到及相告曰石來于寶曰尋有石冰入建鄴
 車騎大將軍東嬴王騰自并州遷鎮鄴行次真定時
 久積雪而當門前方數丈獨消釋騰怪而掘之得玉
 馬高尺許口齒缺騰以馬者國姓上送之以為瑞然
 馬無齒則不得食妖祥之兆衰亡之徵按占此白祥
 也是後騰汲桑所殺而天下遂亂 武帝太始八年

五月蜀地雨白毛此白祥也時益州刺史皇甫晏伐
 汶山胡從事何旅固諫不從牙門張弘等因眾之怨
 誣晏謀逆害之京房易傳曰前樂後憂厥妖天雨羽
 又曰邪人進賢人逃天雨毛其易妖曰天雨毛羽貴
 人出走三占皆應 惠帝永寧元年齊王周舉義軍
 軍中有小兒出於襄城繫昌縣年八歲髮體悉白頗
 能十于洪範白祥也 成帝咸康初地生毛近白祥
 也孫盛以為人勞之異也是後石季龍滅而中原向
 化將相皆甘心焉於四方鎮屢革邊戍仍遷皆擁帶
 部曲動有萬數其間征伐徵賦役無寧歲天下勞擾

百姓疲怨。咸康三年六月地生毛。孝武太元二年五月京都地生毛。至四年而氏賊次襄國圍彭城。向廣陵征戎仍出兵連年不解。太元十四年四月京都地生毛。是時苻堅滅後經畧多事人勞之應也。十七年四月地生毛。安帝隆安四年四月乙未地生毛。或白或黑。元興三年五月江陵地生毛。是後江陵見襲。義熙三年三月地生白毛。十三年三月地生毛。明年王旅西討司馬休之。又明年北掃闕洛。

梁武帝大同二年地生白毛長二尺近白祥也。孫盛以為勞人之異。先是大發卒築浮山堰功費鉅億。至成復潰百姓怨嗟。太清二年九月地生白毛長二尺時侯景舉兵反。

後齊河清元年九月滄州及長城之下地多生毛。或白或黑長四五寸。近白祥也。時北築長城內興三臺人苦勞役。天統初岱山封禪壇玉璧自出。近白祥也。岱山王者易姓告代之所。玉璧所用幣而自出。將有易姓者。用幣之象。其後齊亡地入于周。隋高祖受周禪。天下一統焚柴太山告祠之應。武平三年白水巖下青石壁傍有文曰。齊亡走人改為上廷。後主

以爲嘉瑞。百寮畢賀。後周師入國。後主棄鄴而走。隋文帝開皇六年。七月。京師雨毛。如髮。尾長者三尺。餘。短者六七寸。京房易飛候曰。天雨毛。其國大飢。時關中旱。米粟踴貴。十七年。石隕於武安。滏陽間十餘。洪範五行傳曰。石自高隕者。君將危殆。後七年。帝崩。開皇末。高祖於宮中埋二小石於地。以誌置牀之所。未幾。變爲玉。劉向曰。玉者至貴也。賤將爲貴之象。及大業末。盜皆僭名號。大業十三年。西平都有石文曰。天子立千年。百僚稱賀。有識者尤之曰。千年萬歲者。身後之意也。立稱立千年者。禍在非遠。明年而

帝被殺

唐調露元年。十一月壬午。秦州神亭治北霧開如日。初暉。有白鹿。白狼。兎。近白祥也。垂拱元年。九月。淮南地生毛。或白。或蒼。長者尺餘。遍居人牀下。揚州尤甚。大如馬鬣。焚之。臭如燎毛。占曰。兵起。民不安。神龍二年。四月己亥。雨毛于越州之鄞縣。占曰。邪人進賢人遁。大曆二年。七月甲戌。日入時。有白氣亘天。九月戊午。夜。白露起。西北亘天。五年。五月甲申。西北有白氣亘天。建中四年。四月甲子。京師地生毛。或黃。或白。有長尺餘者。貞元四年。四月。淮南及河

南地生毛。二十年九月庚辰甲夜有白氣入東西際天。太和三年八月西方有白氣如柱。六年二月蘇州地震生白毛。七年十月巳酉西方又有白氣如柱者三。光啟二年四月有白氣頭黑如髮自東南入于揚州滅。光化二年三月乙巳日中有白氣亘天自西南貫于東北。天復元年八月巳亥西方有白雲如履底中出白氣如疋練長五丈上衝天分爲三彗頭下垂占曰天下有兵白者戰祥也。宋嘉祐七年三月徐州彭城縣白鶴鄉地生麵占曰地生麵民將飢。五月濠州鐘離縣地生麵。熙寧元

年荆襄間天雨白鰲如馬尾長者尺餘彌漫山谷。三月丁酉潭州雨毛。八月五月丁丑雨黃毛。元豐三年五月青州臨朐益都石化爲麵民取食之。靖康二年二月壬午夜四鼓白氣如虹自南亘北須臾移西南至東北天明而沒。建炎二年杜克爲北京留守一日天雨紙錢于營中厚盈寸明日與金虜戰于城下敗績錢金類金兵象紙白祥也。三年三月白氣貫日未幾苗傅等作亂凡白氣之占皆爲天下有兵戰白祥也。四年五月壬子夜白方有白氣十餘道如練語在赤祥。紹興元年二月巳巳夜東

南有白氣。十一年馮康國言三月庚申金虜居長安。油酒皆變白色。語在金傳及夜妖。此白祥也。白西方。兵象也。亦喪祥。後金酋直爲下所弑。三十年十一月甲午夜西南有白氣。出危入昴。十二月戊申白氣出尾入軫。貫天市垣。三十一年十二月辛丑白氣如帶。東西亘天。出斗歷牛。隆興元年十二月壬午夜白氣見西南方。出危入昴。二年正月甲寅夜西南有白氣。亘天如帶。乾道元年正月庚午白氣見西北方。出奎入參。三月戊辰夜白氣如帶。自參及角。東西亘天。四月丁酉夜白氣見西北方。入天市垣。辛丑夜白氣入北斗。乙巳夜白氣入紫微垣。十月乙丑夜蒼白氣見南方。入翼。十一月丙寅白氣如帶。出女入昴。東西亘天。二年十二月庚午夜白氣如帶。東西亘天。出女入昴。淳熙十年正月戊子夜西南有白氣如天。漢而明。南北廣可六丈。東西亘天。歷壁至畢。紹熙五年六月壬寅夜白氣亘天。自紫微至亢角。己酉日入後。白氣亘天。頃刻而散。慶元五年二月癸酉夜。東北方白氣如帶。自角至參。八月甲子。東北方有白氣如帶。亘天。嘉泰四年十一月壬申。晝有白氣。分數道。亘天。紹熙四年十一月

